

EAST ASIAN LIBRARY
UNIVERSITY OF TORONTO LIBRARY
130 St. George Street
8th FLOOR
TORONTO, CANADA M5S 1A5

DS
754
.7
S5
1738
v. 20

University of Toronto
Library
e567/b
ASIAN COLLECTION

硃批諭旨

傳泰 王景灝奏摺

硃批傳泰奏摺

雍正六年十一月初二日署理廣東巡撫印務臣

傳泰謹

奏爲

聞事竊臣蒙

聖恩署理廣東巡撫印務遵

旨於九月二十五日到任視事已經具疏

題報在案所有一切事宜現在逐一辦理分別應

題應

奏陸續入

告外臣自南雄入境經由韶州抵省一路查問收成年
景晚稻俱極豐熟廣州各縣有八九十分不等潮
州各縣俱有十分惠肇高雷廉瓊等府各縣有九
分十分不等韶州各縣有八九分不等南雄各縣
有七八九分不等羅定州各縣有八九分不等現
今省城米價每石一兩二錢至一兩一錢有零南
韶肇三府與省城價值相等惠潮瓊羅四府州俱
每石九錢有零高雷廉三府俱七錢有零人民樂
業地方寧靜誠恐上厓
聖懷謹將晚稻分數米糧價值繕摺奏

聞謹

奏

覽奏晚稻收成分數并米價情形深慰朕懷

同日又

奏爲覆奏事竊臣於九月二十四日舟抵廣州各官

出郊恭請

聖安所有

頒給署布政使王士俊摺匣四個臣面交王士俊并宣

諭旨傳

諭旨如有奏摺可送交大學士張廷玉轉奏王士俊卽

叩首祇領訖又臣抵任後欽遵面奉

諭旨查得廣州府知府張銅操守尚好但爲人過於拘
汝酌量調用可也通省道員朕已有旨命汝等審度人
謹辦事少覺遲鈍若於偏僻小府頗屬相宜廣州
地相宜題請更調其詳加斟酌爲之
望安係省會之地事務殷繁似難勝任又欽遵
公元不宜於遠省已有旨另用矣
諭旨查得按察使公元於刑名事件亦頗熟諳但微覺

自恃已見性情時有偏執此二人近在省城時常
相見今將臣訪察情形先行據實密

奏又欽遵面奉

諭旨訪得提臣王紹緒操守極好惟爲人稍覺柔懦但
提臣駐劄惠州距省三百餘里所聞恐不的確容

臣再加察訪明白另行奏

是聞又欽遵面奉

諭旨於十月十六日惠潮道樓儼來省臣即將所奉

此人有可以為善可以為惡之才若本諸良心感恩圖

訓旨宣示樓儼叩首謝

報實力供職自是好員但恐其不肯耳朕已降旨命伊

恩十分感激又臣面奉

署理按察司事同城就近留心體驗

諭旨督撫以察吏安民為要臣至愚極拙膺此重任敢

不凜遵

聖訓時刻訪查但粵東地方遼濶通省屬員眾多聞見

固宜不時訪查更須不被人言所惑明之一字從公字

未確不敢輕率入

生出方為真明勉之

告容俟查看的實即行陸續奏

聞合併繕摺

奏覆謹

奏

覽

署理廣東巡撫印務臣傅泰通政使臣留保工部
郎中臣喀爾紀善謹

奏爲奏

聞事竊臣等奉

命前往廣東會同督臣孔毓珣查審阿克敦等各案欽

遵面奉

諭旨留心察訪抵粵之日卽聞前撫臣楊文乾所叅官
達一案孔毓珣已將糧驛道何師儉署三水縣知
縣范禧

題叅訪其所叅之故因原出首之陳成元章燦林公
官於廣州雷州二知府審時不知受何囑託忽然
翻供從前首告官達事件俱係何師儉等指使孔
毓珣卽偏聽據供糾叅又聞官達係奉

旨革職嚴審之犯先於李長茂案內審明婪贓是實並
不照例發監直至九月內接到楊文乾遺本所奉
聖旨始於九月十六日將官達拘禁似屬徇庇然臣等

初到未悉事之原委不便驟定其是非及至會審時於阿克敦常賚二案尚無曲庇之處迨審李濱一案卽云從前石禮哈常賚所審有從公之處今署布政使王謩署按察使尹繼善所審有屈抑之處等語臣等查對案卷供情毫無冤抑因照兩司原擬定稿具疏孔毓珣雖已列銜會題而勉強之意見於詞色及審至官達一案則凡有干涉楊文乾之處必欲曲盡其詞凡有翻改之處卽欲錄供爲據臣等細加諮訪乃知孔毓珣與楊文乾原不相睦及楊文乾故後遂有觀瞻偏徇之

意是以有叅劾何師儉之舉嗣於十月十七日准到部文內開奉

上諭阿克敦官達等以楊文乾病故爲快演戲開筵置酒稱慶聞孔毓珣不加約束甚屬無恥等因孔毓珣始覺惶恐畏懼雖楊文乾原叅各案未能預定虛實臣等惟知凜遵聖訓從公審擬斷不使孔毓珣主持掣肘遂其私心今

奏孔毓珣欽奉

訓飭或能翻然改悔去私從公亦未可知其現在所露意指臣等不敢隱匿謹先據實密

奏伏乞

皇上睿鑒謹

奏

所奏朕嘉悅覽之但傅泰與孔毓珣現在同省共事不宜絲毫稍存芥蒂當務和衷爲要此奏尤宜密之勿露果若推誠相與尚不感動徐徐再行據實奏聞況孔毓珣老成練達尚屬感恩小心奉職可取處頗多汝等須互相推誠勸勉莫負朕之倚任也

雍正六年十一月二十日署理廣東巡撫印務臣

傅泰通政使臣留保工部郎中臣喀爾紀善謹

奏爲密奏事雍正六年十月二十日接到怡親王大

學士張廷玉等寄字內開奉

上諭羅定州知州楊廷翼原係楊文乾保舉之人聞其承審楊以寧之案過嚴今以詐贓被叅或楊廷翼實有其事或其中尚別有情由爾等寫信與傅泰留保喀爾紀善留心體察秉公審理欽此臣等卽欽遵會

同將楊廷翼等提齊審訊復加密訪楊廷翼並無詐贓之事反覆研鞫備得真情除將捏詞誣告之武舉彭士望等照例定擬具疏

題報外所有彭士望捏詞控告並督臣孔毓珣發司

審訊據詳

題叅情由合謹另單呈

覽至楊廷翼審無詐贓看其爲人亦儘有上進勤勵之心但年少輕浮尚欠老成應否開復留任出自聖恩合併聲明謹

奏

凡事惟貴秉公直陳不可絲毫迎合阿順若然則大悞矣

雍正六年十二月初十日署理廣東巡撫印務臣

傅泰謹

奏爲覆奏事竊臣欽遵面奉
上諭於出京之日卽悉心體察看得留保爲人居心淳
厚遇事謹慎一同赴粵於語言動靜間已得其大
槩及抵廣州會審各案件其聽斷之際敬謹慎密
並無偏私執拗之處且值案情龐雜供情反覆皆
能按理推情次第剖析但因自幼讀書迂緩之氣
中材常人也
未除倘蒙

皇上加以訓誨俾其迂緩漸消心胸開拓誠爲

國家有用之材也至喀爾紀善爲人見事尚能通曉
用心亦復細密但資質器格皆覺褊淺而謹慎小

心又其好處惟過於謹慎遂似有心居後不肯向
居心不潔究係無用之物
前誠如

聖諭指示者臣不敢爲之隱諱也就臣愚見遵

旨繕摺密

奏伏乞

皇上睿鑒謹

奏

覽

此奏可嘉足見觀人精細處

雍正七年二月二十四日署理廣東巡撫印務臣

傳泰謹

奏爲奏請

聖裁事竊查粵省東莞等十一縣於雍正三年秋間被

水奉

旨賑濟動用倉穀五萬八千三百餘石部議捐納監生
補足又准部咨於海陽等六縣應增貯穀三十四
萬石亦令收捐加貯查自開例至今止共捐過監
生一百三十七名收過捐穀二萬四千九百餘石
爲數甚少因部議止令鄰近之江西湖廣廣西三
省生俊各在本省買穀運送廣東交收蓋恐本省

購買復致穀價騰貴立法甚善但江西湖廣俱有
山嶺阻隔惟廣西一省水路相通是以赴納寥寥
臣愚以爲別省買穀原期免使本省穀貴至捐納
之人似可不必拘定省分況粵省生俊現往浙省
捐監者甚多可否將原例畧廣其途照康熙五十
三年之例不論本省外省旗民皆准其赴捐仍令
在鄰省採買穀石親運來粵取具賣穀地方官印
結同繳仍嚴禁持銀來粵就近買穀及私收折價
以杜弊端如此畧爲通融則輸納自多倉儲易充
而懸案亦可速結矣是否可行伏乞

皇上睿鑒以便另行具疏請

旨遵行謹

奏

旗人遠至廣東捐納不合餘發該部議覆後酌定

同日又

奏爲

只此

題頭一語

即可發一大笑

請定事前預首給賞之法以靖盜源事竊查粵東依

山瀕海素稱多盜臣於抵任之後據各屬申報竊
刦之案甚多及解到親審其中積年慣賊爲首糾
夥情罪可惡者固有之而一時貪昧被誘入夥者

覽奏可謂庸愚之至爲此小利尚敢明火執仗干犯功
令若見大利更有何忌憚此等可謂真正頑民匪類所
當切齒者於此忽動憐憫之念是何肺腑朕殊不解
律問擬法無可寬計其贓數情又可憫查上年七
月內欽奉

上諭盜賊未經緝獲到官其中爲首造意及殺傷人命
之犯若自行陳首朕酌其情稍可原者量從寬減若

被人引誘迫脇跟隨爲盜之犯自行出首則將伊應
錯會朕意矣然在朕則可汝等奉命守土憑法制禁令
得之罪悉行寬免欽此欽遵通行曉諭在案是我
以綏靖地方乃任情法外施恩可乎殊屬荒謬之至況
皇上法外殊恩矜憫無知反復開導予以自新雖古帝
此不過欲完結前案暫行之法因是遂謂朕矜憫劫盜
王三宥之仁無以過於此者臣身任封疆敢不嚴

非井蛙之見而何

緝姦宄綏靖地方但念此等匪徒無非愚民輾轉
思維欲求一潛消默化之法以仰副

聖天子弭盜安民之至意臣愚以爲惟有行令密首於
未刦之前與擒捉於將刦之際則事主之財物可
以無失而此輩之罹罪尚可從輕今擬設立預首
給賞之法或可爲消黨散夥之計蓋盜賊之心不
過圖財行兇肆惡惟欲分贓今懸賞以待則一經
出首既可得財又不獲罪雖下愚之人未有不
趨利而避害者從來盜賊搶刦必須糾合多人方
得成事嗣後被糾同夥之人既令其前來出首又令其同

如此

示諭被糾同夥之人既令其前來出首又令其同

往行劫有是情理乎

其俟糾約已齊商定某日某時行劫某家將爲首

及同夥各姓名開寫明白令本人之親屬密赴地

視同

兒戲真可謂大笑談

方官衙門固封投遞該地方官立即知會營汛帶

領兵役捕練前往附近之地分路埋伏并向兵役

說知出首之人姓名本人仍令隨夥偕行俟將上

衆盜

若將伊先行殺害如何解救

即喊報姓名以便照應分別免致誤有傷損解送

到官該州縣即時發銀五十兩給賞出首之人倘

本人從前曾有劫過別案亦准供明免罪其商謀

出海爲盜者出首呈內開明約於某日某時在某

通篇荒謬為汝代筆之人能不哂乎可謂無恥之極

處地方出口兵役即赴出口地方埋伏擒拏到官

擒獲自應給賞倘臨期不來無人可擒將如何發放

時一體給賞其所獲各犯訊明起意同謀情節照

再犯已行不得財之律從寬枷責免其羈禁押交族鄰

保領約束再犯照律例重處并將保人究治如此

立法通行遍處示諭使之家喻戶曉不特出首得

得五十金即能終身無患饑寒此等人尚甘為刦盜無

是理也賞之人可以藉作工本終身無患饑寒即當場被

擒夥黨亦得從寬發落猶可復為良民而正在商

梟首示眾尚不知警被首一次即畏懼改作良民洵為

奇論糾合之舉亦未有素不相知一時入夥之理

獲之後始行給賞亦不致有貪利挾嫌妄行混首

之弊庶於弭盜之法或可小補惟是給賞銀兩與

擒獲夥賊從寬發落之處未奉

若允

行所奏則天下人不笑汝而笑朕必議朕爲大可

聖旨

不敢擅專爲此繕摺奏

笑之

皇帝也似此贊襄政治幸祇一傳泰設直省督撫

聞其

給賞一項擬於司庫公費耗銀內動支是否可行

諸臣

咸如汝之識見則民盜不息官盜之謗遍滿宇內

伏乞

矣

皇上睿鑒施行謹

奏

觀爾憫恤刦盜其柔軟不必言矣請廣捐欸操守不可

信矣爲旗人開路受請託徇私情之意顯然矣似此光

景豈爲有用之成材耶

治術多端從未聞有賄買匪類不爲盜之理似此則未
行盜刦之人將作何獎賞耶假若誣陷平人如何防其
姦處分旣輕夥同騙賞如何審其詐耶據奏將被首之
犯押交族隣約束免其重罰則此被首者異日與出首
之人豈肯干休不相仇訐耶被首此一次遂能保其改
悔永不爲匪耶種種差謬不能悉諭總之一蹈婦人之
仁存好行小惠之念不但不能料理嚴疆大省統率屬
員識見日漸流於卑鄙淺狹卽爲旗下領催亦不能稱
職矣觀爾景況將朕日前訓諭數月間已盡忘無遺奈
何奈何

幸有一事可取奏朕候旨方行耳汝既具如此識見嗣後凡地方事宜絲毫必奏毋得擅便施行如少有專執隱匿之處朕則不汝貸也

同日又

奏爲奏

聞事竊照粵東各府上歲禾稻豐收業經具摺奏聞今歲入春以來雨水調勻寒暖得宜所有菜麥等項俱各茂盛各處米價仍前平減人民樂業地方敕寧因廣省距京路遙誠恐上厯

聖懷謹將現在情形據實陳明俟播種之後再行具

奏伏乞

睿鑒謹

奏

稂莠不除嘉禾不長觀爾胸存縱盜之心恐未必能感
召

天和也朕甚憂之

同日又

奏爲覆奏事竊臣前回奏廣州府知府張鎬等一摺

奉到

硃批遵查奉

硃批諭旨

劉運鮒人平常尚屬誠慤

旨補授糧驛道之劉運鮒及

陶正中其珣二人恐蹈科甲陋習當留心試用如有

命往廣東酌量題補道員之陶正中其珣俱未到粵

不妥協處即行奏聞莫令貽誤地方將此諭亦令伊二

人知之俟伊等到日臣與孔毓珣遵

旨於通省道員并將各知府細加酌量人地相宜定擬

具

題請

旨補授又樓儼於二月初九日已到按察使任臣自當

欽遵

諭旨留心體驗據實密

奏又臣奏凜遵

聖訓時刻訪查奉

硃批固宜不時訪查更須不被人言所惑明之一字從

公字生出方為真明勉之欽此臣惟有謹遵

天語凡事不敢自專絲毫不敢苟且時刻訪察以廣耳

操守

要緊滿洲大臣於此每失顏面

目之所未週勉奉公以補才力之所不及以期

勉盡職守仰副

委任於萬一耳為此恭繳

硃批謹奏

奏

覽

雍正七年三月二十九日署理廣東巡撫印務臣

傅泰謹

奏爲奏

聞事竊查粵東禾稻每歲有早晚二熟早稻應於三月
中甸插蒔而種禾之際正需雨水今年入春以後
雨澤及時每越十餘日卽得滂沱大雨四郊霑足
是以高低田畝盡獲播種且蓄水盈疇涵濡滋茂
爾有前知之術能預卜豐收耶此等猖狂之語豈可於
君父之前率意亂言似此毫無敬慎之念朕轉爲廣東
之雨暘憂矣此青黃未接之時民食無艱安心耕作老幼熙恬
此皆仰藉

出語鄙俗之至朕屢訓不遵爾莫非聾瞽耶
皇上洪福遠庇之所致臣謹據實奏

聞恭慰

聖懷謹

奏

用爾此等人爲巡撫朕心不期慰悅但冀爾等少減朕
憂則亦可謂能盡人臣之誼矣

同日又

奏爲奏

聞事竊照粵東素稱多盜而廣州府屬番禺縣之菱塘
沙灣市橋等處尤爲盜賊之藪歷年以來竊刦甚

多懸案莫結臣細加確訪沙灣之內石碁村一處較之茭塘市橋爲更甚捕役有技莫施若發兵剿捕又恐玉石不分今歲二月間臣與督臣孔毓珣從長斟酌遣撥文武官員帶領兵捕前往駐劄將盜賊自首准予寬減免罪之

上諭出示遍貼伊等感激

天恩陸續自行投首者共有二百六十餘名現發布按二司訊明所犯事由分別輕重議定作何歸案治罪及安置約束之法俟議覆到日卽具疏會

題外臣先將招到積盜緣由繕摺奏

聞謹

奏

朕前諭甚明傳泰巡撫粵東盜劫案件不可問矣

雍正七年四月二十四日署理廣東巡撫印務臣

傳泰謹

奏爲遵

旨明白回奏事本年四月初三日廣州副都統臣吳如

譯齋摺家人回粵捧到

欽頒摺匣一個臣卽恭設香案叩頭開看內有朱批

諭旨一道并副都統臣吳如譯奏摺四件臣跪誦之下

硃批諭旨

十六

傳泰

惶悚無地感愧靡寧伏念臣至愚極陋仰荷
聖恩署理廣東巡撫印務抵粵以來時慮耳目未周心
思不到恐被屬員蒙蔽恐有查訪模糊以致利弊
罔聞因革失當重負
聖天子委任之至意倘有旁觀者真知灼見明指是非
俾得亟爲悛改仰答

高深此臣之幸也今吳如譯陳
奏四摺其居心立論無非因地方民生起見但其間
有中弊之處亦有未悉原委止就傳聞而遽以入
告者今奉

旨令臣明白回奏臣固不敢絲毫欺隱一字支飾亦不敢不將事之實情備細上達臣謹各條分析遵

旨繕摺另行回奏聖訓嚴密臣等因念此等案件關係甚重臣等不敢不將事之實情備細上達臣謹各條分析遵

皇上睿鑒施行謹

奏

此後再加留心察訪汝到粵未幾地方遼濶一切民情土俗吏治政刑何能洞悉無遺耶

天恩同日又四月十五日奉旨將容內開奏五十年三聖奏爲恭領

聖訓感謝

天恩事本年四月初七日准刑部咨內開雍正七年三

月初六日內閣發出

紅本三十四件內一件署理廣東巡撫印務傅泰
題爲請減煩瀆等事欽奉

皇上嚴旨并

諭令將原本擲還等因欽此咨行到臣臣跪讀

聖訓之下旣切悚惶復深悔悟伏思我

皇上宵衣旰食日理萬幾

親覽章疏寒暑不輟此臣隨侍

禁廷素所深知者乃抵粵之後因見審結定擬監犯
病故者舊例逐名具
題愚昧淺見以爲定擬之犯似與初審之案有間遂
以章疏滋繁恐瀆
聖聽妄請減省殊不知人命所關更宜慎重我
皇上勵精圖治

恩被萬方止期政務平允寧惜觀覽之煩臣之見識卑
鄙不知大體越分瀆
奏罪實難逭乃蒙

高厚殊恩不卽治罪將本擲還又復頒示

諭旨開導愚昧感激之深愈增惶懼臣惟有益殫駑駘
時加黽勉以圖仰報

天恩於萬一所有感惕微忱謹繕摺恭

謝伏乞

皇上睿鑒謹

奏

凡似汝等庸材非過則不及務高遺細捨近求遠以致
重輕顛倒無足怪者若逐件治罪亦不勝其處分且將
公私二字辨別清楚操守一節時加警惕其餘徐徐講
求歷練將來或望有成若於此二者稍有不妥經朕覺

察則莫冀更爲姑容也

雍正七年六月初四日署理廣東巡撫印務臣傅

泰謹

聖奏爲奏

聞事竊照粵東今歲雨暘及時田禾茂盛先經奏

聞在案今於五月二十五日以後雨水畧多廣西之水

東注所有三水高要等縣河道窄狹之處水漲數

尺臣飛行該地方官將所轄圍基竭力培築日夜

防守幸無衝決之患惟南海縣江浦司圍基坍塌

數處亦卽行令立時搶築堅固日內天已晴霽水

勢漸退不致妨礙至近處早稻現將成熟大約收成各有八九十分不等統俟各府報齊再行具奏各處米價自五錢四五分起至七八錢不等米糧平賤小民樂業今將圍基保護年景豐熟情形先行據實奏

聞恭慰

聖懷謹

奏

欣悅覽之粵東米價每石賤至五錢幾分爲從來所未聞但消長難憑低昂莫定又爲粵東向來之常事也

雍正七年七月十九日署理廣東巡撫印務臣傅
泰謹

奏爲密奏事竊照廣東學臣顧仔現在廣州府考試
忽有揭帖徧處粘貼內稱學臣專用積蠹何嘉賓
一切呈狀及歲考時列五等生員鑽提三等俱係
嘉賓播弄關通衙內與學政之子三相公作弊膽
串舊稿房何國偉及羅濕眼等招搖包淮茲廣州
科試蠹又稱三相公井內幕門路串同香山縣訓
導黃旒珊等攬封大縣每名銀一百五十兩中縣
每名銀一百二十兩小縣每名銀九十兩兼抄出

本童所作文字爲信包管取錄招覆拆繳肆無忌

憚真才蔽抑等語臣思匿名揭帖雖干例禁事之

自然是虛朕可力保虛實亦難遽信但關係考試未便任其沿街粘貼

設果有據自應糾劾但未有因粘貼揭帖遽行題叅之
理即當另行叅

奏如係棍徒捏揭亦必查出粘貼之人嚴加究處以

遏刁風爲此據實密

奏伏乞

睿鑒謹

奏

顧仔毫無瞻顧因循自爲衆所嫉怨此必係不肖匪類
誣捏所爲務將匿名粘貼揭帖之人究出嚴加懲創具
奏以聞

同日又

奏爲奏

聞事竊照廣州府屬番禺縣之菱塘沙灣市橋石碁等
處素稱盜藪歷來搜捕編查未能淨絕根株卽今
年會同招撫其投首者不過十之三四其餘族大
人多者仍復潛匿不出查菱塘沙灣各設有巡檢
一員稽查而沙灣石碁市橋三處又各撥有都司

千把總分防似可責成緝捕矣但微末弁員聲勢不能懾服以致姦徒仍然出沒臣思此四處距縣稍遠必須將文武大員移駐一員庶可彈壓臣隨檄行布按二司查議去後今據覆稱廣州所屬同知通判共三員各有專司難以移駐惟查左翼鎮標左營遊擊現駐省城似可移駐菱塘責令督飭巡查但移駐武職係總督衙門事件除移咨督臣孔毓珣提臣王紹緒會商妥協并行司議定遊擊衙署營房作何建造會疏

題請外所有酌議移駐遊擊緣由合先奏

聞伏乞

皇上睿鑒謹

奏

覽奏移駐遊擊情節與王紹緒所奏約畧相同候另降

諭旨

同日又

奏爲覆奏事竊臣前奏奉

旨命往粵省各道員一摺奉

硃批陶正中于其珣二人恐蹈科甲陋習當留心試用
如有不妥協處卽行奏聞莫令貽悞地方將此諭亦

硃批諭旨

三

傅泰

令伊二人知之欽此查陶正中現補糧驛道駐劄省城臣卽傳到宣示

聖旨至肇高廉羅道于其珣於六月二十日因公來省

臣亦將

聖諭宣示臣惟有敬遵

諭旨將二人居官行事時時訪察倘稍有不妥協處卽行奏

聞以免貽悞地方所有宣過

聖諭緣由謹繕摺覆

奏并將

御批恭繳謹

奏

再三留意試看于其珣恐近下愚不移未必肯除盡因循袒比陋習而實心奉公任事也將此諭仍令二人知之若一時無因來省面見爾卽密錄傳示伊等可也

同日又

奏爲奏

聞事竊照春江協副將陳政先經署兩廣總督臣阿克敦以虛冒糧餉虐使兵卒怠玩哨巡等情內前月

題參奉

硃批諭旨

三

傳泰

旨交與前撫臣楊文乾審擬經楊文乾審明定擬具

題部議以陳政收過餉米銀兩俱貯中軍櫃內值月
百隊取千把總認狀支用應公則該中軍百隊必
係陳政用事之人顯有通同分肥情弊駁令另委
賢員遵照原叅詳審實情等因今據按察司審解
前來臣覆加核審當日陳政議留名糧實俱爲公
務起見並無絲毫染指現有支銷細冊并兩營千
把總領狀可查且據當日經手支發百隊字識人
等衆口一詞代剖甚力查陳政雖屬因公起見但
未經通詳立案卽屬違例是以臣仍照前擬具疏

題覆外合將審明實情繕摺奏

聞抑臣更有請者臣於審鞫之際細看陳政精力壯健
應對明白於營伍事宜頗覺熟諳臣又查其從前
居官凡訓練兵弁巡緝地方皆稱勤慎盡職是陳
政年力才具尚可爲

國家出力似屬有用之材可否給咨令其赴京引

見聽候

聖裁謹

奏

此奏甚屬可嘉給咨陳政令其赴部引見可也

同日又

奏爲奏

聞事竊廣東總督臣孔毓珣

題叅糧驛道何師儉署三水縣范禧違禁開礦縱集
礦徒侵蝕銅價勒唆首告顛倒是非一案奉

旨交臣一併嚴審究擬具奏欽此臣查勒唆首告情節
應歸叅革藩司官達案內審擬經臣會同

欽差臣留保喀爾紀善并督臣孔毓珣研審將何師儉
范禧各擬杖流具

題奉

旨依議欽遵在案其違禁開礦侵蝕銅價一案另案行
司審詳去後隨准部咨奉

上諭何師儉及三水縣知縣范禧被叅之案傳聞亦有
緣由著傳泰秉公確審毋令致有屈抑欽此茲據布
按兩司詳解前來臣逐一親加研訊雍正五年分
銅觔因原委辦銅之羅定州知州張安鼎病故何
師儉始行接辦所有帑價該知州前已發商何師
儉並未經手其無侵蝕情弊固無庸再究矣至雍
正六年分銅價何師儉俱照部價全數發給商人
王國鼎廖芳式等取具領狀分頭採買師儉毫無

侵蝕領銀各商與見領諸人異口同詞共爲剖白
至於商人廖芳式在惠州府屬之三桹竹墟市收
買礦銅師儉稱並不知情固難深信但奉委辦銅
若銅有遲悞價有缺少皆應罪坐師儉其商人領
銀採辦又豈能禁其不向有銅地方收買況糧驛
道駐劄省城專管糧驛離挖礦之處甚遠議以失
察似屬過當且歷查從前辦銅各官所辦解部之
銅無不半出礦場乃云何師儉違禁開礦縱集礦
徒不特師儉搶地呼冤卽同案之人亦代爲稱屈
是以將何師儉免議具

題至臣審理何師儉兩案於官達案內法應擬罪固
不敢絲毫輕縱至辦銅案內屢審並無別情臣亦
不敢因督臣所叅扶同故入除具疏
題報外謹將所審實情繕摺奏

聞伏乞

睿鑒謹

奏

覽奏已悉

汝叅奏謝希賢等二人之摺交部發該督察審此番汝
所奏五事朕皆嘉許之能如此一一秉公據實入告方

爲不負朕之任用也勉之

同日又

奏爲恭謝

天恩事竊臣齋摺家人回粵捧到

御賜各種錠子藥一匣臣隨郊迎至署恭設香案望

闕叩頭謝

恩祇領訖伏念臣叨荷

聖恩署理撫篆緣才庸識淺到任以來並未有一毫報

稱之處清夜捫心實滋悚惕乃蒙

恩賜遠頒臣跪領之下感懼交集惟有時時瞻仰刻刻

徹心如對

天顏恍聆

諭訓益竭駑駘敬謹辦事以期仰報

高厚於萬一理合繕摺奏

謝伏乞

皇上睿鑒謹

奏

於操守一節不能遵訓砥礪朕實愧覽汝之奏謝也

雍正七年閏七月十二日署理廣東巡撫印務臣

傅泰謹

奏爲欽奉

上諭事雍正六年十二月初一日准吏部咨十月二十

二日內閣奉

上諭著京官大學士以下主事以上之漢軍漢人外官
督撫以下知縣以上之滿洲漢軍漢人每人各舉一
人除現任知縣以上官員不必保舉外或係舉貢生
監或係山林隱逸果有品行才猷可備任使者卽親
戚子弟亦不必引避嫌疑令內外各官皆得據實保
舉欽此欽遵行文到臣臣自接部咨卽於族黨親戚
及平日認識之中逐一記憶或居心誠實而才力

不及或才可辦事而人不端方實無深知篤信之

人足備

如實無可保之人自不應孟浪濫舉倘少存避嫌遠疑

朝廷任使者若冒昧濫舉不特非臣子以人事獨善自潔之意而遂巡退縮亦非人臣事君之道

君之道亦有負

聖天子求賢輔治之至意矣又本年五月二十四日准

吏部咨四月十八日內閣奉

上諭京官自學士侍郎以上外官自藩臬以上著各人

密保一人將其人可勝督撫之任或可勝藩臬之任

據實奏明不必拘定滿漢亦不必限定資格卽府縣

等員官階尚遠者果有真知灼見信其可任封疆大

僚亦准列於薦牘之內若一時無深知可舉之人容其從容採訪不得草率塞責有負諮詢特諭欽此臣

奉

命署理撫篆時日未久大小屬員試驗未確不敢輕舉容臣再加查訪如果有可膺藩臬之任者自當遵

旨奏

聞至臣在京時就愚見所知者惟有現任刑部侍郎海壽不過庸庸碌碌之人列於中材猶屬不及何堪保薦耶伊侍郎職分內事僅能竭蹶枝梧耳似此觀人具何心目殊屬可笑昇以重任自必愈加敬勉奮勵圖報也至馬爾泰

馬爾泰人原好本領力量皆可觀但其心險恐有才勝
則臣充侍衛時卽已識認見其爲人聰俊行走勤
於德之疵只可暫時鉗制驅使將來加以琢磨歷練之
後或可有非現今可傾心委託純良之器也且胸襟
命赴甘肅查核軍需適馬爾泰亦奉
旨赴安西鎮督修城垣路過肅州聽其言論行事較先
愈加老成諳練問其料理機宜無不慎重精詳且
其居心敬謹圖報甚殷倘蒙
皇上再加訓勉或堪爲

國家有用之材緣奉

聖諭垂詢臣既有所知不敢不據實奏

聞至於督撫之任臣再四思維所關甚重實非臣之庸
正爲此慮不得其人奈

何

愚所敢妄爲薦舉而簡用出自

宸衷亦非臣所敢輕爲置議也臣謹繕摺密

奏伏乞

皇上睿鑒謹

奏

覽

同日又

奏爲奏

聞事竊臣於上年十一月間欽遵面奉

諭旨將提臣王紹緒操守爲人之處業經具摺覆

奏今半載以來臣復加密訪并察其所行事件外貌

雖似柔軟及遇緊要有關係之處毫不寬假縱容

近日看來似乎勝任矣然以廣東省分而論猶覺過軟

而且居心誠實辦事敬謹督察官兵稽查水陸俱遇便仍當勉勵之

係殫心竭力是以兵民和輯營伍整齊實堪勝任

已經黜革矣

至粵省總兵共有七員除廣州左翼鎮臣謝希賢

公行賄賂營伍廢弛之處先經具摺密

此人上好

奏潮州一鎮現在缺員又南澳鎮臣許良彬韶州鎮

馬紀勲識見差些尚可造就之材陳倫炯但恐不肯任

怨耳

臣馬紀勲俱未相見及高州鎮臣陳倫炯雖曾一

見未及久聚不敢輕議以上各鎮於營伍地方雖

無善績可稱亦皆相安無事統容臣再加密訪一

有的確見聞另行密

奏外所有碣石鎮臣蘇明良年力強壯黽勉居官事

蘇明良實好

事留心不遺餘力調度得宜兵民相安惟瓊州鎮

已降旨更調矣

但伊不應如是違負朕訓今左翼與爾

駐劄地方相近可留心察訪

秉公奏聞料伊斷不忍負

朕深恩也

或少年尚氣則有之

合瓊郡遠居海外必得老成持重之員方可鎮靜

彈壓施廷專於瓊郡地方似不相宜臣因地方關

係不敢避嫌隱諱謹據實密

奏恭候

睿鑒又臣欽奉

上諭探訪雲南廣西事宜臣隨密遣妥人前往細訪兩
命大學士轉傳密諭之事當再四加意防範密行察訪
母稍疎忽亦不可令一人知覺風聲驚惶失措
聞斷不敢以事屬隔省遂致膜視也合併聲明謹
奏

覽

同日又

奏為覆奏事竊臣欽遵去年面奉

上諭到任半載以來看得布政使王士俊才具練達辦

處事惟求是當自得自矜小疵何妨切毋於此等處評
間似有自得自矜之意恐積久成習致流於疎畧

人如海壽可謂不矜不伐人矣一塊頑石何貴之有事有出入亦未可定謹據實奏

聞至於樓儼近已奉

旨實授按察使感激

天恩報稱心切雖甚勉勵但刑名非所素諳若於事簡

此語不確

但論其肯盡心與否耳未見樓儼不勝此任也至若精

力乃非勉強所能者果已衰邁諒伊非戀職悞公庸流

可比當自求退是以舛錯遺漏經臣駁行改正者時時

必遽然議調耶因邊海要區刑名綦重不敢代為隱瞞致

悞政事倘蒙

皇上特簡賢員補授廣東按察使將樓儼另行調補則

於地方官民均有裨益矣臣爲公務起見冒昧密

奏伏乞

皇上睿鑒施行謹

奏

覽

同日又

奏爲奏

聞事竊照廣州府屬番禺縣茭塘地方素稱賊藪而李士雄卽李亞豹一犯係茭塘市橋石碁一帶積年大盜黨羽甚多犯案纍纍實爲渠魁今春臣與督

臣孔毓珣遣撥官兵前往搜捕招撫雖已招出二百六十餘人俱係夥盜其首盜李士雄及慣賊李亞贊等堅匿不出究未弋獲今有署番禺縣事試用知縣龐嶼辦事勤慎留心緝盜到任後因此案

龐嶼

可嘉之至當以緊要同知缺題補

大盜未獲遂奮不顧身晝夜不遑惟以捕賊爲念

購線懸賞無不舉行先將李亞贊之親叔誘捕到案令其潛往哄引各盜投首旋據李亞贊李國強胡亞三投首前來并自願將李士雄擒獻贖罪等情龐嶼卽准其擒解首報去後今於閏七月初一日果據李亞贊等擒獲李士雄解報到縣臣查李

士雄與李亞贊等所犯案件甚多論其情罪均係
法所難寬之犯但李士雄於各犯之中又爲最重
今李亞贊等既將士雄擒解贖罪似與供出盜首
卽行拏獲之例相符應否援減除行司細查歷年
案卷逐一訊明擬議到日另行具
應如是
題請

旨外今將誘擒積年大盜緣由先行繕摺奏
聞謹

奏

緝盜當以察拏窩家爲要此乃弭盜根本不可少有疎

縱觀汝於盜案一節識見偏於柔懦若復似阿克敦常
賚將積盜窩主開脫自以爲積陰功則大悞矣前汝在
京時朕以刑名事件惟當務一平字諄諄訓諭何啻千
百次若不能領會遵承則是愚頑不醒之人卽於爾到
任後摺內批諭更復不少倘仍見不透是誠無用之材
矣勉之母忽再者朕之硃批訓旨汝徃徃竟不覆奏是
何理耶向後接到一切批諭當總具一摺一一登答回
奏爲此特諭

同日又

奏爲海關交代已竣奏明羨餘實數事竊臣兼理粵

海關稅務自上年九月內到任至十二月止卽屆
一年報滿之期臣已將前官及臣接任所收正稅
贏餘俱已具疏

題報又分頭擔頭一項及行家繳送先收一半一項
俱已另具批文解送戶部轉解
內庫訖又臣將各書吏及各口巡役向來收用陋規
令其儘收儘報除酌給飯食紙筆贍家使費之外
尚餘節省銀一萬零二兩又在分擔及行家繳送
之外未經請

旨不敢遽解戶部且因粵海關事務交代在卽則自上

年十二月二十四日以後又有各書役繳報者是
以先經

奏明統俟祖秉圭到任之後交代清楚再將陸續所
收各項彙齊解送怡親王請

旨查收在案今查自上年十二月二十四日起至今年
四月十一日卸事止所有收過正稅贏餘及分頭
擔頭等項銀兩俱已發貯藩庫取有庫收移送監
督臣祖秉圭於一年滿日分別

題報起解外又據各口巡役陸續繳報節省銀二千
五百七十四兩零連前節省銀一萬零二兩共一

萬二千五百七十六兩零一併解送怡親王聽候

代奏請

旨以便交收至上年各行家應繳未交銀九千六百四十兩原約在今年九月間繳足臣已將各結狀移送祖秉圭照數查收彙解合併聲明謹

奏

祖秉圭乃游移活動未可深信人也自其到任以來居心行事若何留意體察據實奏聞

恩賜雍正七年八月初六日署理廣東巡撫印務臣傅

泰謹

硃批諭旨

三

傅

泰

奏爲奏請

恩賜試用人員以收實效事竊查粵省所屬十府二州八十五州縣地方遼遠如東之潮屬去省二千餘里西之廉屬去省一千八百餘里往返動以月計且瓊屬僻在海外風信更無定期查從前奉

旨命往試用委署知縣者共有十八人以知縣以下試用者共有十二人現俱分別委署如遇知縣不敷委用并間於知縣以下人員內擇其才力優者借署縣事然接署卸事必有經手錢糧倉穀造冊交盤其中稽核出結非數月不能竣事是以再有缺

出便無可委之人勢必仍令隣縣署理第恐鞭長
莫及兼顧爲難臣爲地方起見叩懇
皇上敕部將現在候選候補之知州知縣揀選引
見再

命一二十員來粵隨時委用庶篆無兼攝缺無懸待於
地方公務實有裨益不致遲悞矣爲此繕摺
奏請伏乞

皇上睿鑒施行謹
奏

候揀選得人時多發數員前來敷爾任用

殊批諭旨

三

傳

泰

同日又

奏爲奏

聞事竊照廣肇一帶本年閏七月初八日颶風頓發自
午時起至戌時止又於初九日自寅時起至巳時
止民間房屋瓦片間被吹去河下船隻亦有擊傷
幸無猛雨急流是以人口田禾俱未傷損詢之士
人皆云近海之地颶風每年常有若無驟雨便無
妨礙而窮民房屋或有被風吹損者臣隨行令各
地方官加意撫恤不致失所外此雖並未成災但
關係地方之事臣不敢不據實奏

聞伏乞 聖鑒謹

奏

奏

粵省颶風間歲每有之事查明被傷居民實力撫恤俾毋致失所

同日又

奏為奏請

聖示以裕鼓鑄事竊照粵東收買黃銅器皿設局鼓鑄

一事布政使王士俊繕摺具奏奉

硃批交部議奏候旨遵行如將解部銅觔留為粵省鼓

硃批諭旨

三七

傳

泰

鑄何不經之論至於此極欽此嗣准部議粵東去雲南尚近今雲南又開濬水道廣東若於滇省採買銅觔由廣西而下所費水脚無多應令王士俊詳加確訪以定粵省開鑄之事等因奉

旨依議欽此移咨到臣隨經轉行遵照去後旋據王士

俊詳稱遵卽差家人前往雲南訪得雲南水道雖本省之銅既不敷鼓鑄則可中止未有專向隣省買銅經開濬舟楫難以驟通又訪得滇省客銅每攜至開局之理果隣省銅多何如卽令廣西開鑪多鑄錢文廣西百色地方發賣況廣西現在開礦獲銅必多發至廣東應用耶議論殊屬不通之至

議卽委員齎價赴買銅觔運回鼓鑄等因現經臣咨明戶部在案俟百色地方倘果買有銅觔臣卽

酌定鼓鑄事宜設局處所具疏

題請開鑄外臣又訪得惠州府屬向有礦徒私挖銅
觔從前原賣與本省及別省辦銅官湊同解部自
去年督臣孔毓珣將辦銅之糧驛道何師儉糾叅
之後辦銅官不敢赴買而收銅客商遂將銅觔私
並未命汝赴期開爐鼓鑄也乃如此急遽亂行不知汝
行藏匿不敢出售臣思鼓鑄正在需銅若任其藏
具何意見
匿不為示買乃以有用之物置之無用之地似覺
可惜但原係礦銅若不

奏明請

旨不敢私向購買可否容臣出示曉諭令將從前創挖

硃批諭旨

三

傳泰

可笑之極

煎成之銅許其赴官繳出按照成色給價以供鼓鑄至有礦各山仍行嚴禁不許藉名收銅混行偷挖如此則現在之銅不致久匿在山之礦仍禁私創於公事似有裨益是否可行伏乞

皇上睿鑒施行謹

奏

似此識見奈何奈何

雍正七年九月十九日廣東總督臣郝玉麟署理

廣東巡撫印務臣傅泰謹

奏爲奏

聞事本年九月十七日布政使王士俊詳稱據惠州府
詳據河源縣申稱本年八月初五日據闔邑士民
張華賢等爲呈報嘉禾事竊賢等生長嶺南僻處
海疆叨蒙

皇上恩膏疊沛比年以來歲獲屢登固已含哺鼓腹羣
安耕鑿之風今逢嘉禾叢生實爲目所罕見皆我
皇上惠愛元元感召

天和所致呈請轉詳并將嘉禾送驗前來據此合將嘉禾
呈驗等因由府詳司轉詳到臣等臣郝玉麟在省
盤查隨將送到嘉禾會同在省各官敬謹觀看共

有四十八本內一莖二穗者一十四本一莖三穗者二十本一莖四穗者一十二本一莖五穗者二

皇上愛養百姓

至德感孚所以嘉禾呈瑞是乃粵省萬年豐亨之兆海隅萬姓永受無疆之慶等語臣等因雍正五年十月內奉有停止進獻嘉禾之

旨是以未敢遽行具

題進獻今將送到嘉禾發交布政使加意收藏外伏

聞事查惠郡濱海之區屢獲豐登米價平減已爲從來

所罕見今嘉禾徧發更屬希聞臣等目睹庥徵曷
勝踴躍歡忭所有恭逢瑞穀粵省士民感激慶幸
情形不敢壅於

上聞理合會摺奏

聞伏乞

睿鑒謹

奏

朕欣悅覽焉但不可絲毫肆志當愈加寅畏期以誠敬
之念格

天忠愛之懷圖治大公之道馭屬員威惠之術撫兵民汝

硃批諭旨

四十

傳

泰

等封疆大吏能似此居心朕可力保

上天年年歲歲賜如是嘉應也莫謂水旱爲世間必應有之事概委之氣數使然若稍存此等念慮乃不明

天理之庸流曷可與論人道試觀鄂爾泰田文鏡等所轄地方之感召徵驗亦當信心奮勉向有粵東人稠地狹豐年亦必資隣省之論朕每言無是理今蒙

上蒼慈眷甫獲豐熟二載米價便更賤於他省可見謬論之不足憑也如此乘茲樂歲廣收竭力訓導閭閻愚氓加意蓋藏珍重穀粟不可少致狼戾以招暴殄之咎勉之敬之

奏爲請留能員仰祈

睿鑒事竊臣等荷蒙

聖恩均受封疆重寄欽遵

訓旨無日不以吏治民生爲事茲有韶州府知府陳鴻

熙年力富強辦事敏練且久任海疆熟悉風土現

今報丁父憂前來臣等查得韶州一府實屬粵省

衝繁之地該守董率屬員料理地方事務著有成

效委係能員懇祈

皇上天恩准其留任守制於地方實有裨益臣等爲地

硃批諭旨

聖

傳

泰

皇上方得人起見除會疏具

題外謹繕摺會奏請

旨定奪伏乞

皇上睿鑒批示遵行謹

奏

具題到日有旨但聞陳鴻熙蒙朕連次拔擢至此任遂覺志氣盈滿狂妄時作閒嘗將督撫皆任意呼名不似從前敬慎汝等既經保留在任當切加訓誡勗其遷改將此旨亦傳諭令伊知之

有人奏汝新點粵海關書辦陳炳文等五名每名收受

銀三百兩方准入冊著役庫吏周瑛經手送繳等語汝
此意何居操守二字實難朕經屢諭勉力堅持以全滿
洲大臣顏面汝乃竟不遵承以此爲巧取無礙殊不知
小貪不戒必漸至大貪不法而後已且天下從無巧事
未有明獲廉稱而暗得賄賂名實兼收之理如此欺心
負朕行當有意外取辱之事至矣與其愧恨於後何如
於根本處戒慎以自勵自勉耶似此奈何奈何

署理廣東巡撫印務臣傅泰謹

奏爲欽奉

諭旨據實覆奏事本年九月初四日臣齎摺家人回粵

硃批諭旨

聖

傅泰

備旨捧到聖訓奉本年六月四日聖旨朕聞人回粵
硃筆諭旨一道臣跪讀之下驚悚無地感愧交集伏查
粵海關項充書吏向例每名有花紅銀三百兩以
作公費臣到任之後陸續查革犯事及重役共五
名至頂充時據伊等每名照繳銀三百兩臣識見
卑鄙以爲各書吏自願繳送愚昧因循未經裁革
咎實難辭今蒙
皇上不加處分
恩賜訓飭臣捧誦之下不勝驚懼惟有恪遵
聖諭痛自咎責立即悛改今粵海關已遵

旨歸監督管理臣現在所管太平關凡書吏項充舊例
每名亦有花紅銀二百四十兩臣任內止收過一
名銀兩已彙入節省項內報解嗣後益當砥礪廉
隅凡有陋規未盡革除者一概革除斷不敢再存
鄙念致厯
睿慮臣謹據實覆

奏并將奉到

硃批恭繳謹

奏

但務本莫逐末若事事皆待朕指示訓誡而後改易反

硃批諭旨

聖三

傅泰

之於心能無愧乎卽凡此等相沿陋規小利亦當奏明
請旨然後收受嗣後若有絲毫隱蔽將來必大爲已
累將朕此諭切誌毋忘莫貽噬臍之悔

奏同日又

奏爲奏

聞事竊照今歲粵東晚禾茂盛先經臣

奏明在案曰下將值收穫之時其收成分數容俟各

屬報齊查明的確另行

奏報至各府米價每石自七錢二三分至五錢三四
分不等較之早禾收穫之後更覺平減當此豐年

臣惟有恪遵

聖訓通行曉諭更加撙節多方蓄儲并移行沿海文武
官弁嚴禁販運出洋俾米穀充裕得以長享盈寧
之慶理合據實奏

聞謹

奏

嚴禁出洋於此米價平減時尤爲切要此舉好實力行之

同日又

奏爲奏

硃批諭旨

四

傳泰

聞事竊照粵東沿海漁船經前督臣孔毓珣前撫臣楊文乾會議立法具摺

奏明通飭編查造報在案今查粵東大小漁船向雖飭催造冊而各屬有已經造送者有未經造送者亦有雖曾造送而其中有拆改遭風年久朽爛未經開除者又有新造船隻未經入冊者按冊而稽難得確數照名問船又多詭頂冊內既無的名則事發之日澳甲船總皆得高下其手任意賄改弊竇叢生不可枚舉臣於五月間專委惠潮道劉運鮒親往惠潮兩府沿海各縣港口將所有大小漁

船逐一編查挨甲給照取結繳核去後今據造送
兩府各冊前來嗣後若續有拆改朽爛及新造者
卽時申報補登入冊如此徹底清查倘有事發便
可按冊而稽澳甲人等旣難作姦舞弊姦宄之徒
亦難僥倖漏網矣至廣州府屬沿海各縣因廣南
韶道現在委辦楠木不能分身前往是以臣卽委
劉運劉運鮒鮒未未必必能能膺膺此此委委任任稽稽查查嚴嚴明明以以收收成成效效也
劉運鮒往查務使毫無遺漏仍嚴飭各該地方官
就近不時查點加意督察毋得先勤後怠毋許胥
吏作姦以期弊絕風清民安盜息所有臣委員確
查沿海漁船數目船戶的名緣由理合繕摺奏

聞謹查故舊無嫌嫌目張只怕谷絲由歷合蘇謝奏楊

奏吏治衰以陳美蘇風前月文益息浪百引交員節

好須力行以期實效莫止於章奏美觀而行不符言則

是因圖功而反獲罪也

同日又

奏為敬宣

諭旨據情覆奏事竊臣前回奏糧驛道陶正中肇高廉

羅道于其珣宣過

諭旨緣由一摺奉到

硃批查陶正中係駐劄省城于其珣因充文闈監試亦

在省城臣隨將二人傳到密將

聖諭宣示二人皆免冠叩首據陶正中奏稱臣累蒙

皇上訓誠提撕諭伊於內外如一處加勉少若匿情自飾即屬欺詐恩旨深切臣惟有日夜敬凜黽勉報稱倘有一毫因循

上

袒比之私難逃上天所是者惟表裏渾融之人禍福感召在誠與偽耳此

聖明照鑒臣實萬萬不敢懇求轉

理不明難言為入之道奏等語又據于其珣奏稱臣蒙

皇上天恩宥過任使銘感蟻忱實難圖報今復奉

聖諭教訓臣雖至愚安敢仍蹈袒比因循陋習自負生

成惟有竭盡駘實心任事仰遵

硃批諭旨

吳

傅泰

聖訓稍報旨 欽 奏

天恩懇求轉

皇奏等語除臣欽遵

聖諭再加留心試看外所有宣過

諭旨及陶正中于其珣覆奏緣由先行錄

奏又粵東道員糧驛及巡道共有五缺內雷瓊道王

王璠實好

璠在粵年久土俗民情甚爲熟悉於海外地方相

皇上宜至糧驛道陶正中臣先次回

奏摺內奉有旨 欽 奏

硃批其陶正中三字并奉

御筆硃圈臣即加意留心試看適因該員駐劄省城時亦不可止據外貌而不詳察其心行也

以公務進見看看其氣質凝重品格端嚴殊非尋常

稱職可比惟在語言之間覺其於重大事情似乎非不熟諳此正內不端疑之故

未能熟諳歷練日淺識見似未老到及鄉試入闈

共事一月細看其辦事誠實小心勤敏乃欽服我

皇上聖明衡鑑絲毫不爽實非臣等所能仰望萬一今再看

就臣愚見所及若令陶正中經歷大事諳悉規矩

皇上賜之

訓諭試習疑難則鎔冶琢磨將來不止司道之職實可斯言過矣陶正中非出格大才

成有用之器但知人非易容臣再加明試暗訪另

硃批諭旨

行密奏以候此人好大有可望

聖裁廣南韶道李可淳居官謹飭辦事慎重操守立心

皇土俱屬稱職充其才能似可勝兩司之任但謹慎太

左習氣如此試用再看

過諸事矜持外貌觀之似有退縮不前之意然感

激

天恩上進有志倘邀其職專始實小亦嫌好

朕何能令人展拓心胸耶

皇上加以訓飭俾其展拓心胸便可成有用之才矣肇

高廉羅道于其珣謹慎有餘辦事不足或因才識

斯語不然正其巧猾不實處非係才識短淺也不過但

短淺或係自守太過今奉

知潔已而不奉公之流若果才力不及乃入法之一更

聖諭訓勉臣當細加察看俟將來作何居官辦事另行

不堪用矣

奏

劉運乃庸常人中材也

聞惠潮道劉運年力強壯似可望其奮勉但歷任未

久政務未諳臣現在委其查勘各事使之學習歷練如果不辭勞苦熟習幹練便可為

國家出力以報

皇恩矣再有鹽運使黃文煒係上好之員已有旨命其署臬篆矣雖止管理鹽務因與臣同

在一城時加察看其為人稟性頗直自顧顏面辦事實心不肯扶同且於鹽庫錢糧十分慎重似屬可用之才臣因道員有稽查表率之責甚有關係所有就臣察看各員居官情形謹據實附

硃批諭旨

哭

傳

泰

奏伏乞

睿鑒謹

奏

覽

雍正七年十月二十八日署理廣東巡撫印務臣

傅泰謹

奏爲請

旨事竊查雍正二年五月內欽奉

上諭設立普濟堂經前任撫臣年希堯建設將老疾無

依之人收養棲息至於堂內日給費用從前年希

堯兼管粵海關稅時查知洋船來粵買貨有每兩
分頭銀五釐又每船一隻進口有放關規禮銀一
百三十二兩向爲左翼鎮等衙門規禮年希堯將
此項銀兩撥入普濟堂應用歷任相因已經六載
茲海關監督臣祖秉圭諭令通事將此項銀兩繳
貯關庫迨廣州府將前項情由具詳祖秉圭批云
養濟孤貧事隸有司非本監督所能定奪等因今
據布按二司詳稱堂內現收貧老三百五十八名
日給柴米鹽菜及董事人役工食置買各老人冬
衣等項每年約共銀一千八百餘兩全藉此洋船

銀兩支應若悉繳關庫則普濟堂老民嗷嗷乏食
恐非

皇上軫恤貧老之至意等因前來臣查祖秉圭諭繳關

庫雖爲慎重錢糧起見但普濟堂費無所出臣查

此項分頭并放關銀兩原係左翼鎮衙門陋規並

自當仍舊

留用何須奏請

非關稅內之項可否仍留普濟堂應用免其繳貯

關庫臣未敢擅便謹具摺奏

請伏乞

皇上睿鑒施行謹

奏

將祖秉圭厲色叱辱之傳旨與伊觀此一事其負朕之
念毫未改悔也小心保全首領爲要

同日又

奏爲敬陳末議恭請

睿裁事本年十月初十日接准部咨議覆大學士臣陳
元龍條奏貼黃內要語未詳等因經部議覆令督
撫諸臣凡本後貼黃務融會全疏之始末節其繁
冗擇其緊要遴選善書之人照部本式繕寫務期
字畫端楷明朗字行疎密得宜如有題奏本章其
貼黃草率刪節以致事不詳明或字畫細小微茫

或字行疎密任意卽照違式例分別議處等因奉
旨依議欽此臣遵將一應本章貼黃加意料理外伏查
本後貼黃向例用半幅紙密行書寫難以披閱於
雍正三年正月十九日經內閣
奏請言詞繁多者俱令用整幅書寫言詞甚少者仍
令用半幅書寫奉

旨依議欽遵在案惟思題奏章疏原以通本情節總敘
看語又以看語情節摘敘貼黃雖言詞繁多者已
經奉

旨改用整幅書寫但行數雖可加增而字數每行仍止

卷二十格遇有情節繁冗之案看語敘至七八幅者
一經節刪頗多晦滯難明殊非恪恭敬謹之道況
貼黃於看語中摘出不得於看語之外另添一字
是以偶遇節刪接續之處竟有文義不能貫串者
欲其情節顯亮又不得不多敘數語以期明爽遂
致行數增密字數仍多

御覽之下甚覺徒費目力而貼黃拘於成例究於案情
不能顯亮臣愚以爲貼黃之外請將全疏緊要情
節另行統摘情由用整幅紙繕寫以十二行爲率
夾入貼黃之後恭呈

御覽其摘敘事由不必照看語內字句止就本案情節

簡明直敘則

睿鑒之下一目了然既於貼黃體制無礙而字大行疎
亦不致上費

聖心過勞目力矣謹將現

題疏看摘敘一式繕寫進

呈是否可行并應否具題請

旨伏乞

皇上睿鑒批示遵行謹

奏

汝乃中等材質朕因封疆重任一時不得其人姑將就試用之似此通行事件應徐徐仿效歷練老成同輩督撫踵而行之既無超羣出衆之能於本分內事尚多不能辦理何暇旁及於此況議論皆屬可笑一邊據奏於貼黃之外另行統摘情由繕寫呈覽等語既慮朕披覽繁冗而復多增一層是何意見耶若欲朕止閱統摘情由則貼黃竟爲虛設又何必繕寫入疏耶且從來滿本專譯貼黃今則將譯一廢一耶抑概行翻譯耶似此自相矛盾強不知以爲知朕實代汝愧之凡人深知已之不及猶可冀望將來造詣似此自是自得朕實又代汝

憂之奈何奈何幸係密摺具奏設若具疏題達亦如彙報監斃人犯一例之事重自取辱矣

同日又

奏爲覆奏事本年九月十四日接到大學士公馬爾賽等來字內開八月十二日奉

上諭聞得江南福建廣東及浙江之杭嘉湖三府有匪類結黨潛謀爲匪其爲首者係江寧人各處用銀結納等語爾等可密寄信與傅泰令其密密留心整飭營伍預爲防範但不可聲張滋擾若江浙有文知會時或有查拏同黨之人卽便作速緝拏務須嚴密勿

令一人免脫欽此臣卽一面密遣的當人役潛往福

建江西湖廣各交界處所暗暗查訪并借別項公

務遣人往浙江江南密探蹤跡一面加意留心操

練兵馬整飭營伍預爲防範惟候江浙等省或有

李衛范時繹處如有緝犯咨文卽迅速嚴密查拏解送

母得文知會應作何料理卽當小心協力或有應拏之

有干係也慎之人自當選差幹員按名拏獲不令一人免脫外茲

查粵東各屬地方現在安靜並無匪類行蹤亦無

絲毫聲息然臣不敢因無聲息遂爾忽視除現在

留心訪察若果有可疑之事立卽設法嚴拏一面

殊批諭旨

至

傳

泰

奏斷不敢一毫疎忽亦不敢洩漏聲張以致滋擾也

再臣於十月初十日又接大學士公馬爾賽等來
字內開爲羅教一案欽奉

密諭等因到臣欽此欽遵辦理并卽轉飭州縣實力奉

行倘有拏獲報解者臣當與藩臬二司酌其情罪

輕重將生事倡首者嚴行解部將無知附和者量

爲寬減統於疏內聲明請

既自云密諭而復欲於疏內聲明是何意見耶

旨定奪所有奉到

密諭及奉行緣由先行繕摺覆

奏伏乞

皇上睿鑒謹

奏

覽

同日又

奏爲奏

聞事竊照粵東晚稻收成據布政使王士俊呈報十府
二州屬惟南雄府屬收成統計有八分其餘各府
州屬收成均有九分十分不等各屬米價每石自
七錢至五錢六七分不等因前來臣查米穀爲
民食之本今幸遇豐登正宜加意儲蓄臣身在地

硃批諭旨

五

傳

泰

方惟有諄諭屬員敬謹民事勸諭百姓撙節愛惜
毋得糜費並行布按兩司嚴禁棍徒囤積射利外
所有晚稻收成分數及現在米糧價值臣謹據實
奏

聞謹

奏

導民務本原係第一要政然徒爲紙上虛文而不實力
督率屬員奉行亦復何益粵省吏治民風不堪言喻近
有旨從內閣頒發汝接到之日可竭力遵行毋昧一身
利害辜負朕之委託敬慎黽勉爲之

同日又

奏爲覆奏事竊臣前奏提臣王紹緒居心誠實辦事

敬謹兵民和輯營伍整齊實堪勝任一摺奉到

硃批茲於本年十月初二日提臣王紹緒適因公務來

省臣卽遵照猶覺過軟之

諭旨旁引曲喻再三勉勵王紹緒大有會悟領畧之意

且以從此悔過務必痛自改易嚴察將弁整飭營

伍爲答臣又細看其詞色密訪其行事見伊感激

以朕觀之恐未必然似仍不妥協再加訪詢奏聞

天恩實心圖報之意十分激切臣謹據實密

奏至於原任瓊州鎮臣施廷專尚未到左翼新任容

硃批諭旨

五

傳

泰

奏俟其到日臣卽遵

旨就近訪察秉公奏

聞外其新調瓊州原任左翼鎮臣李順於奉

旨調任以後臣因公接見三次看其爲人忠誠無僞據
李順係於雍正三年到粵之人何云在粵二十餘載
云在粵二十餘載地方事宜皆已深悉聽其議論

識見實覺老成歷練仰見

聖明鑑別絲毫不爽隨材器使人地相宜今李順已於

十月初六日起程赴瓊俟其到任之後臣再行密

奏訪如果言行相符臣卽據實奏

聞謹

奏

覽

同日又

奏爲請

旨添設學政一官端士習以育人材正民心以厚風俗
事竊照粵東僻居嶺外距京甚遠內有八排狼狽
外有黎人雜處是以風俗人情皆與內地少異好
勇鬪狠剽掠刦奪習以爲常恬不知怪臣思士爲
四民之首士習果端則小民觀感興起咸知崇尚
廉恥不肯流於污下是以

硃批諭旨

壬

傅

泰

國家特設教職以司訓迪又設學政歲科考校以正文風并考察教職以分勤惰乃今年已酉科鄉試臣於文武兩闈見各府州縣送試教官其中年力富强辦事勤敏者固有之而年邁有疾衰弱罷軟者亦頗不少除將察出不稱各員發交布政使令其覆驗明確分別詳請咨斥勒休外伏查教職雖微而平日陶鎔士子砥礪廉隅其責實爲綦重則稽查考核較之佐雜等官更宜嚴密無如督撫藩臬各有地方重務不能時刻察訪而學臣考試按臨亦止匆匆一看其甄別賢否難免遺漏此輩庸

劣教官不過苟且因循豈能振興督課作養人才
甚至不肖之員或貪小惠或圖串結貓鼠同眠絕
無顧忌以致生監人等踰閑敗檢多不可問平日
如此一旦身登仕籍又安望其竭忠報效耶士習
如斯欲求民風敦樸習尚淳良更不可得矣臣愚
以爲欲嚴教職端士習惟有仰懇

皇上於廣東學政

殊堪博一大笑之見可惜以上一派是極議論閱至此

欽點滿漢兩員一則專司歲科考校一則周行各府稽

語尚有可批諭耶

察教職士子如果教職皆能實心任事則士習可
端民風漸厚矣此臣愚見所及是否可行未敢遽

設或具疏題奏則天下人傳爲話柄矣
爲具疏謹繕摺具

奏伏乞

皇上睿鑒批示遵行謹

奏

覽奏不禁發笑實屬可憐之封疆大吏也

雍正七年十二月二十七日署理廣東巡撫印務

臣傅泰謹

奏爲奏

聞事竊照粵東晚禾豐收分數經臣具

奏在案今時屆隆冬誠恐販戶搬運富戶囤積是以

間命時刻留心稽查禁止茲據布政使開報各屬因豐
收之後米價日減通省十府二州米價每石自六
錢一二分至四錢六七分不等因前來伏查粵
東濱海之地人稠糧少從前屢以不敷民食爲慮
今米價如此之賤實屬數十年來所未有者是以
南番二縣素稱多盜今歲並無刦案申報山無伏
莽海宇昇平民安耕鑿商賈雲集此皆
皇上至德覃敷

洪恩普被方獲此時和歲稔熙皞成風之盛臣惟有與
文武各官愈加警惕益切敬謹以期永荷

鴻庥於弗替所有粵省現在康阜寧謐情形理合繕摺

奏

聞謹

奏

年歲豐登盜賊自少此從來情理之常但感召山無大

天慈屢賜雨暘時若之應則全在汝等竭力以公誠勤敬

自勉也

同日又

奏為奏

聞命盜案件仰祈

睿鑒事竊照粵東山海交錯姦匪混雜民風刁悍是以
命盜案件較多於他省臣於本年四月間回
奏副都統臣吳如譯條奏案內查明從前據報強竊
盜案已叅疎防未叅疎防者共有五百六十餘起
從前據報命案共有三百一十餘起自臣於上年
九月到任至今據報盜案七十餘起已叅疎防者
五十餘起未叅疎防者一十餘起內已經獲賊者
四十餘起未獲賊者二十餘起現在嚴加督緝不
使縱逸又據報竊案三十餘起向例原不
題叅疎防止應獲賊審明分別

題咨完結至於臣任內審明

題咨過強竊盜案總計新舊共有一百一十餘起審明完結過強竊盜案總計新舊共有三十餘起其餘現在查催按限審

題又臣到任後據報命案共四百六十餘起內謀故鬪毆等案居十之三四自盡命案居十之五六至於臣任內審明

題咨過謀故等命案總計新舊共有七十餘起審明自盡及情有可原屍親願息完結等命案總計新舊共有二百七十餘起其餘現在查催按限分別

題結此係臣莅任一年有餘已經辦理之數謹逐一

開明具摺恭

奏至廣州府屬南番二縣盜案又多於他縣因去年至今田禾豐熟米價日平是以南海止有盜案二件番禺止有盜案六件現今地方安寧小民樂業理合一併奏

聞謹

奏

緝盜固屬寧靜地方之急務而察拏匪類尤爲要著莫以其無被害呈控而遂慢忽視之偶有聞見率委之曰

硃批諭旨

卒

傳

泰

瘋狂無憑或藉詞不肯拖累滋擾及胸中預橫何苦多
事之念以致往往養姦遺患類汝庸常之流不審輕重
不爲國家慮久遠之謀每存此等意見者居多切勿踵
循陋習自取玷溺之咎留意勉爲之

同日又

奏爲奏

聞事竊照粵東廣州府屬之南海番禺東莞順德新會
三水清遠花縣肇慶府屬之高要高明四會等縣
沿河地方俱築有圍基以保護田廬雖歷來俱有
修防之例不過憑圩總圩甲按田出夫隨冊隨築

禁聊以塞責自前督臣孔毓珣

題請責令廣南韶連道肇高廉羅道管理并將最要
之南海三水高要三縣縣丞加銜水利專司圍基
雖董理有員無慮遲悞而預辦物料及工役飯食
費無所出倘遇報險恐一時莫濟查沿河各州縣
有魚笊鴨埠等項租銀向來或爲神廟香燈祭祀
之用者有之或爲紳衿豪棍占取者有之臣思以
地方之所出卽辦地方之公務似有裨益臣現在
逐一清查除查明果係契買世業之外其餘悉令
官收解繳藩庫未免該地官民致生猜疑何不卽存留於本
官收解繳藩庫以爲修理圍基之費理合繕摺奏

硃批諭旨

空

傳泰

縣耶汝等再加詳酌為之
聞伏乞

皇上睿鑒謹

奏

覽

同日又

奏為恭繳

御批事竊臣前與督臣郝玉麟會奏惠州府河源縣瑞

穀叢生一摺奉到

硃批伏念臣隨侍

禁廷時聆

皇上至誠格

天之訓諭時見

皇上大公為治之

為一身利害計患得患失之敬謹無益也如此以為敬

聖心謹記五中時圖勉效雖才識自愧愚陋而謹敬之

謹不但不能上邀

念不敢一刻少弛今欽奉

天佑或恐反遭譴責公私二字分析不明不肯竭力致身

殊批臣惟有愈加寅畏黽勉吏治以期上迓

任勞任怨徒以畏首畏尾之心自謂敬謹居之不疑則

天庥并會同督臣再行出示曉諭勸令多方蓄儲加意撙

大誤矣

節外所有奉到

御批理合恭繳又臣與督臣郝玉麟會奏韶州府知府

陳鴻熙報丁父憂懇祈

殊批諭旨

三

傳泰

恩准留任守制一摺奉到

硃批隨行令陳鴻熙於封印後赴省將

聖旨宣示俟其作何回奏再行覆

奏外伏查臣等因陳鴻熙年力富強辦事敏練是以

懇

恩將伊留任臣自當不時訓誡勉其殫力居官敬謹辦

事如敢盈滿狂妄怠玩忽畧卽據實糾叅斷不敢

因

題留在先少存瞻顧也所有奉到

御批先行恭繳謹

奏

忽爾保留忽爾糾叅言何太易陳鴻熙若無甚大咎不
過少年習氣小疵加之誠訓俾令悛改斯可矣豈可因
言語少不檢點遂將一幹員卽行叅處是何理耶似此
逐處依違迎合毫無定見又兼平時以聾瞽而尸位封
疆奈何奈何

同日又

奏爲奏繳

御批事竊臣前奏向糧驛道陶正中等宣過
聞陶正中一味因循柔善邀譽沽名若不力行悛改具
諭旨一摺奉到

硃批諭旨

奎

傳

泰

疏嚴叅以憑重懲將此旨傳諭伊知之
硃批伏念臣智識短淺所見恒多未當今蒙

聖明逐一指示臣惟有敬謹銘心奉以爲法不敢但據
外貌不敢預橫主見并欽遵

聖示明試暗訪務得實在人材之優劣密行奏

聞又臣奏廣惠潮三府沿海漁船委惠潮道劉運鰲清

查點丈一摺奉到

硃批伏念劉運鰲於清查一事誠如

聖諭未能膺此委任是以先據造到各冊臣已逐條逐
似此不得其人而欲強辦若斯難事不知汝具何等肺
腑也朕常有言辦事若不得人寧緩以待不可用違其
尚未覆到原擬另委同知通判等員協同劉運鰲

才設勉強行之往往極好極是之舉反被庸材劣員顛
辦理緣目下各府丞倖或經委署或經出差無可
倒重輕徒滋紛擾不但無益而有害也所以汝等大吏
委任惟俟奉
不能識人則不能用人不能訓人即不能服人無怪乎
旨命往試用各員到日臣當撥派二三員協同劉運鰲
每貽溺職之誚也
細查俟查清之日再行覆

奏又臣回奏海關新充書辦繳有花紅銀兩一摺奉
到

硃批伏念臣因識見卑鄙是以於花紅銀兩一項未經
革除自欽奉

訓諭之後臣日切悚惕愧悔痛自咎責今復奉

批諭惟有益加敬勉凜遵務本切戒逐末嗣後凡有可

硃批諭旨

畜

傳

泰

以歸公之項無論多寡務必恪遵

聖諭預先請

旨再行收取斷不敢絲毫隱匿自干重譴也所有奉到御批合併恭繳謹

奏

撫臣臈封疆重任凡關國計皆宜留心聞汝於關稅事務毫不協助膜外視之向來地方官掣肘刁難監督之陋習朕耳聞目睹四十餘年矣今汝若仍蹈前轍倘致祖秉圭有招怨悞課愆尤伊之升沉榮辱尚在未定傳泰則必不撫粵矣秉公慎爲之私腸少有洗滌不淨究

爲一身之累體驗自知向後凡接奉此等訓諭皆密令

王士俊同看

同日又

奏爲密奏事竊本年十二月初九日據肇慶府屬之署恩平縣事姚孔鉉報稱會同該汛千總邱尚忠巡查姦匪至土瓜蒴村見該村人舉止慌張遂拏獲六犯搜出令旗九面內四幅寫楚震公字樣一幅寫羅平字樣黃綾僞劄九張內五張填有劉國敬李昆玉梁高陞藍登其吳建晃姓名白綾僞劄四張內二張填李士貴朱榮姓名現在審究搜拏

硃批諭旨

奎

傳

泰

等情并聞督臣郝玉麟已經遣撥官兵前往臣卽
委標員帶領弁兵由三水新會等縣二路分頭前
去令其協同各該處文武密探踪跡聚集何處立
卽圍擒毋使免脫并密移提鎮嚴行附近各府州
縣協營堵截搜捕去後十二日據春江協副將陳
顯報稱風聞恩平地方有姦匪萌動隨差兵丁陳
韜誘出溫亞七一名投首供出頭子李六軍師李
先生約定十二月初二日搶恩平再搶陽江等語
臣又飛行各文武分飭查拏布政使王士俊等亦
各遣人前往密探督緝隨陸續據報在恩平新會

陽春陽江東安等縣拏獲羽黨梁子賓等共五十
四名經督臣提解至肇發府究審臣亦委南海縣
赴肇公同審訊各供俱稱係李梅卽李先生與爲
首陳京幹做旗做劄分散各省騙人錢財并稱聚
集兵馬等語臣初疑此案匪類既有僞劄必有爲
首之人聚集之地今細按各供參差不一彼此互
異始以陽江掘銀哄動鄉愚繼又分散僞劄倏稱
大兵將至倏稱瘟疫流傳甚至有鬼兵之說似屬
捏造訛言驚恐男婦其以劄賣銀又係圖騙錢財
且皆稱出自李梅之口則此案之根源底裏必須

獲到李梅與各犯嚴加質訊究出同夥確數果否
另有首犯方可定其虛實輕重又據布政使王士
俊遣人密往四處查訪所稱李梅者從前曾充東
安縣兵房書辦犯事革退毫無技能各路亦並無
絲毫蹤跡動靜現在仍行加意查訪一有確據卽
行飛報等語現經督臣將犯發交布按二司會同
嚴訊俟押解來省如有的確實情另行密
奏外至供內李九葵自交趾帶兵來廣及文姓自陝
招兵到廣并山西陝西福建廣西俱有散劄及李
九葵朱三太子現在交趾之處似屬誕妄或係李

梅混行捏造騙惑愚民亦未可知但既有此供何
敢忽視臣現在備錄各供遵奉十月內
上諭繕寫密札加以印信知會隣省督撫密查防範并
遴選妥人前往交趾密訪并行各交界文武官嚴
加稽查毋許疎忽臣謹據實繕摺先行密
奏至各縣去省稍遠臣得信畧遲是以
奏報少緩合併聲明伏乞

睿鑒謹

奏

此事業據郝玉麟奏聞矣若不設法將李梅擒獲到案

硃批諭旨

空

傳

泰

斷然不可

奏雍正八年三月十七日署理廣東巡撫印務臣傅

泰謹

奏爲奏

聞事竊照粵東今歲入春以後晴雨及時田疇霑足菜
麥等項無不茂盛至於高低田畝禾苗俱已栽插
臣因公赴順德等縣沿途親見田苗滋長一望青
蔥老幼婦子皆勤耒耜茅簷蔀屋熙皞成風至於
各屬雨暘現皆得宜海澨山陬俱極寧靜理合據
實奏

聞伏乞

皇上睿鑒謹

奏

覽雨水禾苗情形朕懷深慰然必待秋成後方敢言豐熟也惟克誠克敬順理處事以靜俟

上天垂佑可耳

同日又

奏爲奏繳

御批事本年二月初八日齋摺家人回署臣恭設香案

望

硃批諭旨

突

傳泰

闕叩頭開看臣謹遵

旨將欽奉

硃批逐一登答另摺彙

奏外理合將奉到

御批原摺一併恭繳爲此謹

奏

覽

亦不可將一片心神專用於登答批諭之間而致忽慢
廢弛職守也塞楞額前在東省日夜惟以料理摺奏爲
務是乃汝之鑑戒諸凡慎爲之審其輕重而爲之

同日又
奏爲欽奉

上諭事本年正月十五日新補惠州協副將繆弘到粵

宣傳

上諭聞得雍正二年間有四人鵠鞋棕帽口稱王府差人前往廣東公幹一路氣勢甚雄相貌亦兇惡此非安分之人恐到廣東布散流言愚民無知被其鼓惑大爲人心風俗之患爾傳旨與督撫著用心密訪此項人或尚在廣東若稍有蹤跡斷宜及早根究如會靜張熙之流言乃出於發遣廣西人犯之口幸而發

覺早所以不難追問造言之人但亦不必招搖只宜留心暗訪聞得廣東火耗米折俱重誠恐不便於民朕御極以來宵旰憂勤無刻不以民生爲念卽用人行政亦惟期有益於民生至維正之供不得不取之於民其火耗一切亦當定爲畫一之制庶無累於民間若一任有司輕重必有重耗殃民者甚非朕愛養元元至意又聞沿海窮民以漁爲生每出海捕魚俱於鹽埠領票名曰干票回水納銀名曰幫餉相習已久皆出情願今聞鹽埠欲避干票之名令漁船實在領鹽出口按船計數希圖多銷恐不便於窮民爲督

撫者此等處當細心體查務得其平使民生樂業庶不辜朕之任用一省事務全賴督撫必公忠體國同心共濟方於地方有益且一省事歸一轍朕亦好辦理若各存意見將一省事分爲兩途朕從何辦理如孔毓珣楊文乾當時兩人雖無叅奏形跡各人意見不同朕所以一同調來引見當引見時朕曉以大義反復開導彼二人亦感激流涕誓願和衷辦事回任後聞伊等果然交往似乎相和邊海重地督撫相和是以朕心稍安不意楊文乾纔故孔毓珣盡變其所爲當時楊文乾所行若非伊身爲總督豈不能救正

於生前若楊文乾所行皆是又豈可更變於死後若
人在卽順之是以國事作人情可乎朕因此鄙薄其
爲人前日孔毓珣引見時朕面斥其非伊惟有叩首
認罪而已是伊一生名節俱敗於此爾傳旨督撫各
存公忠爲國之心公則無有不和卽意見或稍有不
同必不致迴別要知所辦者國事當以國事爲重自
然合而爲一國以民爲本凡有便於民生者商酌奏
請施行伊等身爲大吏當仰體朕心宣揚德意使邊
海小民盡知尊君親上之義人心淳厚風俗丕變方
不愧封疆之重寄若悠忽從事必致廢弛豈不辜負

皇朕之任用爾將朕旨傳與總督巡撫知之欽此欽遵
臣卽將奉

諭敕查鵝鞋棕帽四人密飭司道府州轉飭各州縣共
相留心暗訪若得有蹤跡立即具摺密行奏

聞至火耗米折俱重并按船銷鹽等事臣現在將

上諭所指各條明查暗訪若果有不肖州縣踵此積弊
自當據實糾叅如果查無此弊亦必將各州縣現
今作何辦理實在情形備細開列會同督臣郝玉
麟另行具疏覆

奏又奉

硃批諭旨

主

傳 泰

上諭一省事務全賴督撫必公忠體國同心共濟方於
地方有益臣跪聽至此不覺敬畏交至感懼兼深惟
有時時敬誦刻刻自省欽遵

訓勉以

國事爲重與督提藩臬諸臣和同商酌辦理斷不敢

間至各存意見將一省之事分爲兩途致厘

宸衷也所有奉到

上諭及欽遵緣由理合繕摺覆

奏伏乞

皇上睿鑒謹

奏

繆弘所傳諭旨舛錯處甚多兼之汝信口登答殊無足觀亦無暇改正不過付之一覽而已

同日又

奏爲奏

聞事本年正月二十九日准督臣郝玉麟移知奉

旨頒到提臣王紹緒條奏順德新會香山等處移駐官

員改換汛防招民開墾預買桅柁等項原摺四件

又怡親王并前任廣東督臣孔毓珣議覆各摺奉

上諭令臣等會同確議欽此臣思移駐換汛均關緊要

殊批諭旨

主

傳 泰

必將地方情形親身確勘方敢會議是以臣經具
疏

題明於二月二十一日自省起程先至順德次往香
山後至新會逐一確勘查順德一縣居省城之西
南在新會香山虎門之中內海外洋相連逼近而
且港汊多岐船隻甚衆縣城內外人煙湊集實爲
近省緊要之地海口繁劇之區總兵駐劄於此遙
制新會香山等縣似得居中控馭之道至新會在
順德之西地方簡於順德其厓門海口並非商船
出入停泊之處非澳門虎門可比移駐總兵之說

似未盡善但臣看厓門地方亦甚遼濶卽不另設營汛亦應多添兵丁以固汛守其香山縣又在兩縣之東南城南一百二十餘里爲澳門現係西洋人居住其交界處建設一閘以分內外關閘之北有前山寨有香山協都司守備駐劄防守臣看前山寨係西洋人及內地之人往來隘口關係緊要距縣甚遙似應於此處添設同知通判一員與武職協同稽察遇有爭毆偷竊漏稅賭博等事便可就近發落而文武互相牽制其巡查亦必倍加謹慎至原駐都守二員若添設文職應酌撤一員回

駐縣城臣既經勘明當與督臣細加斟酌從長會議
議公同具摺覆奏外所有臣看過三縣地方情形先行奏
聞伏乞皇上睿鑒謹

奏
既係會奏事件何必多此一番煩瀆

雍正八年四月二十七日署理廣東巡撫印務臣
傅泰謹

奏爲欽奉

上諭事本年四月二十日接大學士臣張廷玉來字內
開雍正八年二月二十四日奉

上諭前廣東都司趙璉被叅已降旨交與該撫嚴審究
擬近聞其中尚別有情由今將朕所聞者另錄一單
可卽寄與傅泰黃文煒秉公審訊務得實情不可使
趙璉受屈若朕所聞不確亦卽據實陳奏從公審結
不必回護欽此又抄發另單一紙到臣隨傳到按察

使黃文煒敬將

上諭密行宣示令其秉公據實審解不得絲毫枉縱伏
查此案先據臣標中軍丁銓生詳稱都司趙璉酒

後持刀傷兵又據趙璉詳稱巡夜見兵睡卧喝醒
士舖跑走失跌撞傷各等情今案內原詳之丁銓生若
不到案對質難成信案但丁銓生已調補欽州營
遊擊臣現已檄調來省質訊俟審得實情除具疏
題報仍另繕摺將情由據實覆奏外謹將實情不
奏外謹將奉到黃文執秉公審酌將實情不
上諭日期先行尚限審辦由今限起限內審辦一單
奏明謹奏
奏開奏五八平二月二十四日奉

此案務須秉公詳慎究出實情具奏以聞王來宅內

聞分同日又

奏爲奏

聞事竊照臣衙門兼管太平關稅務所收正稅向發藩庫彙充兵餉其零星羨餘等項俱係臣衙門自行收貯彙齊解部巡撫衙門向無銀庫卽於二堂傍屋設立銀櫃封貯每晚撥值堂巡捕文官一員并本標千把總一員值宿防守五日一換輪流更替本年四月初四日至初十日輪該巡捕官孫源與左營把總劉應元上宿乃初十日早據孫源稟稱初九日夜同劉應元至庫上宿今早天明見劉應

元在伊睡牀檻上自縊身死臣卽傳到本標中軍
遊擊并南海縣知縣喚到劉應元之子本姓馬名
正禹正鴻驗明委係自縊並無別故其因何自縊
之處訊據馬正禹等供稱伊父因做把總多年今
遇有千總缺出正當選拔之時伊父手上生瘡不
能拉弓不得與考功名無由上進且家中母病垂
危醫藥無資心裏煩悶屢次聞有怨命之言並無
別故等語隨據伊子領出埋葬并將劉應元縊死
緣由咨明兵部外理合據實奏

聞伏乞

皇上睿鑒謹

奏

此事未得所以然之情由當詳加體察

雍正八年十月十九日署理廣東巡撫印務臣傅

泰謹

奏爲密奏事竊查嶺南向有三大名家號一名屈大

均號翁山一名陳恭尹號元孝一名梁佩蘭號藥

亭俱有著作詩文流播已久第以粵撫任內事務

冗繁臣辦理不暇故未覓其書集看閱及臣近日

敬看

硃批諭旨

主

傅

泰

頒到大義覺迷錄內有曾靜之徒張熙供開亦有屈溫
山集議論與逆書相合等語臣思屈溫山與屈翁
山字雖有別其音相似隨卽購覓書坊竟有屈翁
山文外詩外文鈔及陳元孝梁藥亭詩集等書查
梁藥亭詩文詞無悖謬而翁山元孝詩文中多有
悖逆之詞隱藏抑鬱不平之氣又將前朝稱呼之
處俱空擡一字惟屈翁山爲最陳元孝間亦有之
臣觀覽之際不勝駭愕髮指查屈翁山陳元孝身
故至今約有三十餘年雖倖逃法網現有惠來縣
學教諭屈明洪係屈翁山之子臣正密與布政使

王士俊商酌拘審之法適值屈明洪於十月十六日到省前往布政司繳印又往廣州府投監據供伊父屈翁山向犯滔天大罪著作悖逆文詞止因父死時年幼無知存留詩文及刊板在家未曾察閱今任教諭奉到

頒賜大義覺迷錄宣讀之際知有屈溫山姓名與父翁山聲音彷彿隨檢查伊父所著詩文始知伊父亂紀悖常竟親自投首投監請正典刑等語據布政使密報前來臣卽行令布按二司嚴加究審至於陳元孝之子孫屈明洪諒必得知臣隨飭勒令供

出一井拘拏究審擬議

題報請

旨外所有查出逆書緣由理合據實密

奏伏乞

皇上睿鑒施行謹

奏

殊屬糊塗煩瀆不明事體之至

硃批王景灝奏摺

雍正二年八月二十日四川巡撫臣王景灝謹

奏爲恭謝

天恩事竊臣一介愚陋世受

國恩當

聖主紀元伊始由郡守遽獲超遷自謂浩蕩

弘仁無由仰報身爲外吏未得瞻仰

天顏殊深孺慕於五月內奉

旨令臣馳驛進京

陛見方幸瞻

硃批諭旨

王景灝

天仰
聖之私情得以稍慰復蒙

訓誨諄諄倍加激勵又超擢四川巡撫

賞帶孔雀翎子復

賜袍帽素珠並

內府珍奇之物

隆恩異數實同天高地厚臣亦何修遭逢至此惟是臣

奏之才識有限

聖主之德澤無窮臣旣身膺格外之

恩竊懼難報萬分之一雖經具疏

奏謝而感激

天恩此衷仍難自己謹再繕摺奏

謝謹

奏

覽奏謝知道了朕看爾是一大器將來可成國家之棟
梁勉之

同日又

奏爲恭報秋成事竊臣奉

命馳驛赴任經過四川保寧成都兩府所屬地方見稻
穀雜糧結穗飽滿及抵臣署檢查各屬陸續報到

之文成都重慶兩府所屬州縣收成俱有十分順
命興慶夔州敘州馬湖保寧龍安東川等府收成俱有
訓奏九分直隸眉州嘉定州收成亦有十分其邛州雅
州瀘州潼川州等處收成亦有九分建昌所屬各
縣收成有八九分不等全川地方今歲可稱豐熟
實奏足以上慰聖懷爾長一大器來可夙國家之
聖懷臣謹繕摺奏
聞謹

奏
覽奏曷勝欣悅朕另有諭旨一道可酌量遵奉施行

諭四川巡撫王景灝據奏四川各府豐收小民含哺鼓腹殊爲可喜惟是江南浙江沿海州縣七月內海潮泛溢田禾不無損壞雖經嚴飭各督撫加意賑恤猶恐將來米價漸昂小民艱於粒食朕知江浙糧米歷來仰給於湖廣湖廣又仰給於四川從前因商販太多地方有司輒行阻遏今四川秋成豐稔以羨補不足洵屬兩便爾當嚴諭沿途文武官弁遇有江楚商人赴川販米或四川商人往江楚賣米者立即放行不得留難阻遏聞年羹堯當日每曾舉行此善政爾其實力勉爲之特諭

雍正二年九月十六日四川巡撫臣王景灝謹

奏爲遵

旨覆奏事竊臣於

陛辭之日荷蒙

皇上念及松潘總兵官周瑛帶領官兵駐劄西藏恐口

糧不能接濟

命臣到任卽爲料理欽此臣抵成都查明從前運藏兵

來餉尚可支給兩月又於八月內經承辦軍需之建

昌道安定昌委員將义木多所貯之銀撥運五箇

月米價鹽菜銀兩就近解送西藏合前已足支七

箇月口糧然臣猶慮自省至藏程途遙遠惟先期

解送方免遲誤臣是以復飭建昌道嗣後按月扣
算以彼處約餘三箇月餉銀之時卽預解銀兩接
濟如此則源源相繼而兵食可無不足之慮矣爲
此繕摺奏

聞謹

奏

預籌接濟甚好周瑛之爲人効力朕所悉知帶領官兵
遠在塞外口糧等項斷不可使至缺乏些須錢糧何足
介意用心料理可也

雍正二年十一月初二日四川巡撫臣王景灝謹

奏爲遵

旨覆奏事竊臣伏讀

上諭以江南浙江田禾被海潮泛溢不無損壞恐將來

米價漸昂

命臣禁止川省遏糴欽此臣奉到

諭旨隨即檄行沿江之府州縣遇有外省商販到川買
米及本地民人有販米赴楚者均令公平糴糶任
其運載出境由四川可至湖廣由湖廣可至江浙
在隣封之米價自不至於涌貴而本省之農民又
得資其財用商民均沾樂利無不頂頌

皇仁適夔州府知府喬鐸因公到省臣面加詢問據稱
自秋收之後每日過夔關大小米船或十餘隻至
二十隻不等源源下楚等語此後遠近商民聞信
輒集絡繹販運諒必更多於前則江浙民人可無
艱食之虞矣臣恐

聖懷時加厪念謹將流通米石緣由具摺奏

聞謹

奏

覽奏米糧流通大慰朕懷

同日又

硃批諭旨

五

王景灝

奏爲奏又

聞事臣於

陞辭之日欽奉

諭旨以蔡珽在川修城效力係離任巡撫恐呼應不靈

聖訓工程有誤

臣於到任後卽籌畫辦理查

命臣委員代爲料理欽此臣於到任後卽籌畫辦理查

蔡珽應修南坪隆康兩河口會龍保縣井中渡河

越雋等處工程已委建昌通判崔鴻圖茂州知州

邊鴻烈等分路前往備辦物料以便來春一齊興

工至夏秋間俱可告竣臣仍不時嚴查務令各委

員將工程修築堅固錢糧雖係捐項亦不致糜費
俟工完之日將用過銀兩再具摺奏

聞至蔡珽認捐銀五萬兩陸續交庫於十月二十七日

全完臣已給咨令其回旗於十一月初四日起程

赴京理合一併繕摺具

奏以

聞謹

奏

知道了

凡爾川省屬員須爾自出藻鑑甄別優劣不可全聽年

硃批諭旨

六

王景灝

同日又

奏爲請

旨事臣查大將軍年羹堯備陳口外善後諸條俱蒙
皇上俞允在案臣思建築城堡蓋造官兵營房在在皆
關緊要臣隨將革達巴塘裡塘等處城垣房屋委
建昌道安定昌總理潘州合壩黃河渡口等處城
垣房屋委松茂道孟以恂總理又遣龍安府知府
王璣成都府同知王詢董率夫匠乘此三冬閒暇
之時砍伐木植燒造磚瓦併備辦應用物料俟明

春一齊興工並於各工所專派幹員分頭管理務期工程堅固錢糧節省在明歲秋冬之間各工告竣但革達地方爲新設重鎮事屬創舉臣必親至其地悉心相度務得形勝之區以爲建城之所凡屯牧水草亦必期於便利以仰副

皇上籌邊經久之

弘圖臣擬輕騎前往經理其事始得放心至彼處規模立定臣星卽回省緣係出口事理臣未敢擅便謹先具奏請

旨伏乞

硃批諭旨

七

王景灝

睿鑒指示遵行爲此繕摺奏

聞謹 奏

奏對立家呈唱回省絲紉出口事野日未煩野

所奏俱可臨時酌量審擇輕重而行知道了

呈上同日又入之思建築城堡蓋造官兵營房在在皆

奏爲敬領早衣必賦飲野以野城垣房屋委

溫綸恭謝

天恩事臣齋摺家人回川捧到聖事鳳降聖事必縣至

御批摺子四件

上諭一道黃匣四個到臣隨恭設香案望天叩首聖

闕叩頭祇領訖跪讀之下不禁感愧涕零伏念臣才本

庸愚寸長未效乃荷

天語褒嘉益令悚惶無地惟有竭盡駑駘力圖報稱以

仰答

高厚於萬一所有感激微忱不能自己爲此繕摺奏

謝謹

奏

知道了朕看爾頗重勉爲之年羹堯今來陛見甚覺乖
張朕有許多不取處不知其精神頽敗所致抑或功高
志滿而然爾雖由伊薦舉陞擢亦爾能自勉朕故加恩

擢用今旣職任與之相等均爲封疆大臣不可一味低頭下氣也有理處應同者同之徇私害公無理處應異者異之年羹堯未必卽能致爾於禍朕非年羹堯能如何若何之主也且朕從不心口相異前於爾陞見時朕意若彼卽以彼時之意見諭爾今胸臆如此亦卽以此時之意見明白諭爾生平無所隱諱特諭爾領悉朕意以便立定主意而行不然恐爾悞蹈覆轍也此諭能密密之不能亦可

雍正二年十二月二十一日四川巡撫臣王景灝

謹

奏爲奏

聞事臣於

陞辭之日恭聆

聖訓時深兢惕到任後謹將所奉

上諭及條奏之事逐案飭查嗣於屬員來見者再三告

誡未見者再三申飭今臣訪得各屬俱實力奉行

其有成效者亦多除恭繕

御覽黃冊另疏

題報外臣必不敢於旣經

題奏之後稍有懈弛惟當永遵

諭旨益加勉勵以仰副
聖懷於萬一耳再原奉
上諭內有密降

諭旨應密行詳悉奏

聞臣到任未久止有奉到

諭旨一道係米船下楚不許禁遏事先經具摺回

奏合併聲明爲此繕摺具

奏謹

奏

覽奏知道了百凡惟務無欺無隱爲要爾乃朕十分賞

鑒之人許爾將來可成大器必勉勵以符朕旨再者多
有人言爾爲年羹堯之鷹犬朕思爾斷不肯爲此等無
恥之行而年羹堯亦不應居此等無理之心至隆科多
年羹堯二人朕初看伊等具有聰明見解能知大體受
恩深重自循謙退豈肯趨蹈危險以玷朕名而招天下
後世之議論朕原作如此想所以邇年來言聽計從任
用之而不疑也不料今歲年羹堯來京陛見二人皆被
朕看破均非無瑕之器於奏對之間錯亂悖謬舉止乖
張大露擅作威福市恩攬權情狀朕隨深加訓誨曲示
保全之道大凡從古功臣第一須君上愛護次須自能

保守其三更賴大小臣工不相趨附愚弄送入危地三者缺一不可而其要尤在衆臣工之居心正也不然功臣鮮有能全者致令人君蒙寡恩之名而若輩方且旁觀笑之此等居心之人難逃天地誅滅者也今卽爾身而言若竟將年羹堯知己之情薦舉之德一旦盡付之流水人非木石必無此理感激思報分所當然但宜思所以報之之道耳朕意惟有赤忠爲國勉力作一不朽人物勿使人主疑賤勿令天下後世鄙薄不與施恩人助虐致禍斯乃深所以報之也假若賄賂酬奉徇私廢公惟以阿諛順從言報則天下後世以爾爲何如人以

年羹堯爲何如人謂朕爲何如主耶所關甚大反覆之間三利三害繫焉爾其詳思慎勉且督與撫係比肩大臣一省政治所關非細宜自出已見各立功名何可一味依違將就以軟局陷害朕之功臣爾等嗣後若不仰體朕心改絃易轍實力遵諭而行朕卽先將爾等誤朕功臣之人戒懲豈肯遽向朕之功臣加罪乎苟能幡然醒悟秉公不阿或慮大將軍年羹堯責爾辜恩負義朕可力保其無妨也能如是報德之大無以過此切莫虛負朕愛惜之意朋比之習向爲朕所深惡勉之戒之更須內外如一奉行方好倘務巧密以首鼠兩端爲妙策

則大負朕此一番苦心可惜此數行諭旨也細加玩味
必豁然領會始能身受實益勉之又勉
諭巡撫王景灝去年羹堯奏南坪壩番子一事朕詢據
蔡珽云南坪等處雖新附未久然曾遣劉應鼎前往踏
勘建城地方諸番悉皆恭順並未見有阻抗情形今云
爲建城謀逆何大相逕庭如此又據年羹堯奏稱目下
雜谷大金川小金川等處土司漸有多事之狀依此看
來必因爾措置不妥所致況犬羊無知蠢動亦係夷獍
之常惟在地方官制御撫綏得法自然寧帖土司原非
內地之民可比爾爲封疆總領諸凡須平和寬大慎勿

見小尚氣任性作威致生變故責有攸歸斷不爾宥也
其遣往南坪等處建堡造房之員若不能體朕愛恤遠
人之意肆行無忌激出事端朕必正以國法而用人不
當之咎爾亦何辭以免諭到爾其盡力調劑設法駕馭
並嚴行飭察所遣官弁務令安靜寧妥爾果忠誠任事
無貳無疑此等事務再無不辦之理勿得他諉特諭

雍正三年二月二十七日四川巡撫臣王景灝謹

奏爲覆奏事臣於二月二十五日准兵部咨文由驛

遞送

內廷捧出黃匣一個到臣隨即跪接開匣伏讀

諭旨仰見

皇上訓誡嚴明

天恩浩蕩臣自知無調馭之才實切悚惶之懼前者臣聞南坪番子蠢動一事恐差委建城人員或有擾累番寨之處臣卽遣松茂道孟以恂往松潘料理并密加訪察如有委員生事臣卽據實題叅斷不敢少有徇隱自罹咎戾近聞各番已經平定不日卽可興築城工再查年羹堯原題給與大金川號紙以分小金川之勢今差人往取宗圖必由小金川經過因而攔阻不令前往今年

美堯已令奮威將軍岳鍾琪差人由打箭爐僻路
直達大金川後山往取宗圖冊結矣至雜谷土司
所轄之囊索沙加布意欲爭管新經招撫之赤進
赤物等寨署松潘鎮副將張瑛一面申飭隨將情
由通報岳鍾琪差員持文曉諭臣與署提督納欽
亦行文開導今據張瑛報稱已經遵依回巢此不
過土俗常情易於完結之事今奉

諭旨嚴切臣自覺惶恐無地惟有恪遵
聖訓實心盡力奉行仰答

高厚隆恩又何敢見小尚氣致生事端上干

高國典也前者臣以革達地方建城設鎮曾經具摺請
聖旨往彼處相度形勢蒙

皇上御批臨時酌量審擇輕重而行臣因南坪之事所
以未曾出口謹繕摺一併奏

聞謹

奏

封疆大吏將公清勤慎四字常置於面前何愁諸務不
理耶所奏知道了

同日又

奏爲恭領

聖訓敬陳愚悃事臣於二月二十日捧接
硃批諭旨再四跪讀仰見

皇上保全功臣至意誠千古未有之

殊恩凡屬臣工有不感激奮勵者斷難逃於

國法也至臣不肯爲人之鷹犬已在

聖鑒之中臣又何敢置辯復荷

天語以三利三害諄諄開導伏讀至此不禁感懼涕零

況臣世受

國恩倘不以大義報

君而以阿附順從報薦舉之私恩不但於年羹堯無益

臣而抑且於臣有損徒招物議上負陛下平糴義無益
皇上愛惜之恩下有玷於祖父臣具有人心斷斷不敢
出此惟有恪遵

諭旨務期內外如一實力奉行做好官好人以仰報零
皇仁於萬一而已爲此繕摺具

奏謹

覽此奏朕甚嘉之爾已明白朕旨領會朕意矣朕頗能
覺照人情爾果能不聽年羹堯指使不爲其所牽制各
出已見辦理一切朕保爾是一上封疆之臣也爾若

逐件請命於年羹堯不特諸務遲悞機宜而年羹堯之責報無窮爾之金帛古董有限少不遂其意塞爾圖蔡琿寧非一彰明較著之榜樣耶年羹堯與爾向日之交情有推重爾處或未必能及此二人爾今亦效法塞爾圖蔡琿之爲人可矣且何等體面何等平安令朕何等信重以爾之材質當自加愛惜也勉力爲之

雍正三年五月十九日四川巡撫臣王景灝謹

奏爲奏

聞事蜀省自入春以來仰賴

皇上福庇晴雨及時收成倍好茲據成都重慶等十府

嘉定眉邛等六州並各衛所地方陸續報稱夏季
一切麥豆雜糧等項收成俱有九分十分不等秋
禾亦皆栽種等情臣復查得目下因夏收甚好所
以米價甚平至於秋禾俱各栽種平田既有堰水
灌溉山田亦雨水霑足甚是茂盛誠恐上廛

聖懷謹將夏季收成分數及秋田播種情形繕摺奏

聞謹

奏

覽收穫情形實慰朕懷蒙

上天賜茲豐年當及時督率屬員勸導百姓勿致粒米狼

戾加意蓋藏必耕三餘一耕九餘三方合治民之要道也勉之母忽

奏同日又

奏爲恭謝

溫綸事雍正三年四月二十四日臣齋摺家人回川奉到

硃批奏摺臣跪讀之下深蒙

聖主垂諒愚臣下悃兼荷

天語褒嘉感激無地愈切悚惶臣惟欽遵

諭旨而行夙夜益加兢惕以盡微臣職分四川提督印

硃批諭旨

共

王景灝

備言務復蒙
皇上格外弘恩
命臣暫行署理
臣於軍旅事務
素未諳練惟有
竭力學
習盡心料理以
圖仰報
皇仁於萬一而
已爲此繕摺奏

聞謹恭摺

奏同日又

爾之才朕所稔悉至於守之一字朕未確知大抵居官
守較才爲要譬如年羹堯魑魅魍魎之才適足爲害亦

奚足取朕再不料伊竟爲此等狗彘一類之人也以朕之精明尚被伊如此欺隱蒙蔽若遇少不更事之君將何所底止今敗露一至於此朕惟自愧乏識人之明耳夫復何尤凡爾等向來被其愚惑之人若不奮然爲國家爲天下臣工作將來一大榜樣深惡而痛絕之切齒而憤恨之不但罪無所逃是亦無父無君之人也已矣其已發覺之種種姦欺事蹟於中或少有冤誣處不妨爲之辯白陳奏既可全昔日友誼兼可全朕用人顏面亦朕所樂聞者苟覈其行爲書罪無窮考其心志包藏莫測審爲姦險無疑則惟有悔艾從前悞交匪類亟圖

改易砥礪名節以自全耳今命各省搜查年羹堯隱匿
贓物此正爾等贖愆於朕表暴心跡於天下後世之機
會極當留意勿失至如人言藉藉僉云王景灝乃年羹
堯之假子似此向朕前奏者豈止數十人朕殊代爾恥
之茲所交事件若少瞻徇爲留一毫地步猶顧戀向日
之私恩小惠而不力行發擿恐朕亦難以庇宥於爾全
在爾自立主見而已朕歷觀史冊所載姦臣負君亦所
時有若以逆情悖理辜恩負義而論則年羹堯爲第一
卽至今日並未見伊有一毫知過慚悔之念真大奇事
苟非喪心病狂則係

天奪其魄不然世間寧有如是情理耶

諭巡撫王景灝川省自兵興以來一切軍需奏銷甚屬
浮冒朕所悉知特以軍務方殷督撫捐項頗多朕是以
姑聽之而不深問今西藏已安西海已定打箭爐外諸
處防守官兵從此皆久遠駐劄矣軍需之項曷可不清
楚明白爾於一切奏銷宜悉照實數不可仍蹈浮冒故
轍其給過部費等項從前舊事朕槩不追究至於口外
辦事官役及一切雜費如果有應用不可省者當題明
賞給因爾摺內有秉正不敢存私之奏是以朕降此旨
與爾爾將以前并現在各項俱一一據實奏聞毋少爲

年羹堯隱諱掩飾代受過咎也特諭

雍正三年七月初二日四川巡撫臣王景灝謹

奏爲奏

聞事雍正三年七月初一日准管理打箭爐稅課事務
扎薩克喇嘛楚爾齊木藏布拉木展巴員外郎伊
特格爾咨稱六月二十三日申時打箭爐地動將
稅務衙門及買賣人蠻人住居碉樓房屋俱行搖
塌壓死宣慰司土司桑結驛丞俞殿宣糧務辦事
之南部縣典史徐翀霄並壓死買賣人蠻人等甚
多等因到臣查打箭爐駐劄稅差且漢蠻交易地

方關係緊要隨委化林協副將張成隆成都府知府李弘澤兼程前往加意賑恤務使安頓得所俟料理完日另行摺奏外爲此繕摺奏

聞謹

奏

已有旨矣可照依蔡珽六十一年料理之法盡心措置毋得少忽

雍正三年八月初八日四川巡撫臣王景灝謹

奏爲奏

聞事雍正三年八月初五日臣齎摺家人回川奉到

硃批諭旨

十九

王景灝

諭旨臣跪讀之下仰見

聖明無微不至因軍需原有浮冒令臣查明具奏臣敢

不徹底清查仰副

聖懷查年羹堯自康熙五十六年至六十年所辦軍需

雖已奏銷其中不無浮冒自應徹底清查但經手

各官多有陞遷離任若俟各處行查翻致耽延歲

月以臣愚見祇應立法稽查臣思軍需一項除官

兵俸餉及鹽菜銀兩俱爲實在之數似無浮冒之

處所有虛浮皆在採買米豆草束等項及僱運脚

價內藏掩然而皆有底案可稽臣惟將底案逐年

清查發價若干實用若干報銷若干則浮冒之數必能得其確實無復有所遁藏在年羹堯亦當無辭再爲巧飾矣至年羹堯離任以後駐藏官兵漸次撤回採買輓運亦屬有限各項軍需更爲容易查核俟臣詳查明白卽據實奏

聞至臣於去歲八月到任後糧米已經運貯口外足以供支並未採買米石其現駐官兵臣不過月給口糧鹽菜所用無多此後軍需俱照實數奏銷不敢浮冒如有應用之項自當

題請賞給以杜濫用弊端緣係密奉

據實朕皆件件寬爾設或半吞半吐則反不如強忍以待處分也阮揚璟如此一天下共知之人何不早行查出叅究耶今既奉旨推訊如再不徹底研窮仍欲模稜致令有所隱匿則莫怨朕恩之有始無終也此事與爾大有干係慎爲之

同日又

奏爲奏明事竊臣曾在西寧軍前管理戶部噶喇大事務凡屬軍需皆臣督催料理但一切收發錢糧則係年羹堯分委各員承辦採買年羹堯嘗言用兵之際不能入正項開銷者約有三十餘萬只可

以公完公等語且年羹堯身膺大將軍重任錢糧
係伊撥發報銷任其主持臣未得叅末議去年五
月內臣接部文奉
旨令臣奏聞事緣臣會同西寧軍前營駐可將營陳大
陞見遵卽馳驛赴京荷蒙

天恩授臣巡撫又令馳驛速往四川所以用過銀兩其中浮冒若干臣實不能知其細數雖年羹堯在西寧有散給兵丁皮襖捐備火繩鉛彈以及各項賞費然而浮冒亦復不少今臣旣蒙訓旨凡軍需等項不可爲年羹堯隱諱臣於此時若不

旨凡軍

需等項

不可爲

年羹堯

凡隱諱

於此時

時若不

奏明則又懼徇隱之譴臣約計西寧軍需除不入正
項開銷用去銀兩外其浮冒仍有二十餘萬伏乞
皇上飭今年羹堯據實回奏自行認賠或將西寧報銷
原冊發臣查對臣當調取西寧雜項軍需底冊逐
一秉公查算查出冒銷之項卽應於年羹堯名下
追還庶微臣遵奉
諭旨不敢瞻顧之心得以少白於
聖主之前矣爲此繕摺奏

聞謹

奏

將王景灝此奏發與岳鍾琪圖理琛石文焯嚴察議奏
該部知道

聖主同日又諭此辭辭奏
備奏爲奏明事臣看得年羹堯背負

天恩欺公罔利種種惡蹟一朝敗露實

國家之罪人爲臣民所痛恨成都府北門外所有祠
宇其碑額牌位不便存留應行毀棄以爲臣子貪

皇上汚欺罔之戒卽將其祠屋改爲義學之用理合

奏明伏祈
皇上睿鑒爲此繕摺奏

皇上睿鑒爲此繕摺奏

聞謹

奏

應毀則毀之已耳何以改爲今俱可不必已遲矣

同日又

奏爲欽承

訓旨瀝陳悃誠仰祈

睿鑒事竊臣前任臨洮府知府時在軍前辦事數載迨

至康熙六十年值年羹堯陞任川陝總督飛檄調

臣驗看臣不得不赴西安及見面時猶以威嚴之

狀懾臣而臣亦止聽命未嘗爲之少屈徐乃詢及

西邊事務臣以所知者一一對答年羹堯云茲值
軍興之際看爾年力精壯正該出力報效
朝廷等語臣以其出言公忠遂信以爲實所以年羹堯
委臣在肅州督運軍糧又委西寧料理軍務臣皆
竭力奉公不敢絲毫苟且均幸無誤此臣謬被年
羹堯薦引之所由來也臣家世受
國恩豈肯卑賤其身爲人指摘且臣一任臨洮知府
一任西安按察使皆係年羹堯屬員以
國事責臣承辦臣又何敢推諉原非有干求薦引之
心此中情節諒難逃於

聖明之洞鑒也詎意年羹堯口是心非言與行違今幸蒙

聖聰照察其奸貪之狀俱已敗露且從西安赴浙之時又將貲財隨處寄放臣實不料年羹堯之居心爲人竟至如此種種背負

君恩爲天下所唾罵臣工所切齒臣已深惡痛絕又何能復出一辭以爲年羹堯辯白今蒙

天語誥誠臣惟有仰遵

聖訓痛自刻責深悔從前誤交匪類力圖改悔自全而

已臣於奉到

諭旨之先已將年羹堯寄放之金子砍運江南之木植
聖旨及魏之耀當本等項具疏題報臣今仍於各處盡心搜查務使毫無滲漏以明
臣不敢徇隱之心贖臣不能早鑒之咎臣謹披瀝
愚忱伏祈聖鑒察爲此繕摺奏聞謹
奏

因知爾向日來歷又面見爾日前奏對朕所以力拒衆
論而寬恕爾罪也叅奏之摺現在朕處盈案俟事定後

發來爾看方悉朕越格之恩但今日爾能全朕用人之
顏面能杜絕衆人之口與否尚未可定少有一毫虛假
以游移搪塞爲巧務恐未足抵敵羣譏也惟勉力篤實
真誠庶可望轉禍爲福若信不及此諭殊虛負朕一片
惜汝之心朕生平不爲權譎虛誑之語爾其知之

雍正三年九月初六日四川巡撫臣王景灝謹

奏爲恭報秋成事竊查四川省自入秋以來晴雨得
宜秋田收穫較之往年倍好茲據成都重慶等十
府嘉定眉邛等六州併各衛所陸續具報秋成俱
有十分等因到臣臣欽遵

聖諭乘此豐稔之時勸民蓋藏使閭里各有蓄積以爲

永享盈寧之計小民莫不歡忻鼓舞頂戴

皇仁合將豐熟緣由繕摺奏

聞謹恭摺奏

奏

覽奏實慰朕懷

同日又轉

奏爲覆奏事臣齋摺人回川捧到臣前奏打箭爐地

動一摺奉有

硃批諭旨臣跪讀

嚴綸益深悚惕緣先准川陝督臣岳鍾琪咨移奉

旨事理

臣

隨卽查照前撫

臣

蔡珽於康熙六十一年捐

賞巴塘等處被災人等銀兩緞綾布疋烟茶每人
所給之數逐一捐備檄令副將張成隆知府李弘
澤宣揚

皇上恩德查明被災民蠻各加賞賚毋致遺漏務使均
沾實惠俱照依蔡珽所行料理至稅務衙署倒塌
臣已委員捐蓋又示令茶商速躡茶包運爐發賣
勿致缺乏現今商客流通民蠻安帖

臣皆欽遵

諭旨實心辦理斷不敢稍有疎畧自干罪戾恐塵

聖懷謹將現在賑恤安撫緣由繕摺覆

奏以

聞謹

奏

果能實力奉行朕再無不知之理若祇暫時搪塞以欺
蔽爲務諒爾等未必及年羹堯姦巧之才彼尚不免敗
露則亦何益之有百凡惟務真實乃第一善策一分真
一分福能勉此字庶幾是矣切記毋忘

雍正三年十一月初八日四川巡撫

臣

王景灝謹

奏爲覆奏事竊年羹堯將子過繼與阮揚璟一案臣

奏
從前未及查察未經

題叅昏昧之處罪無可逭荷蒙

皇上寬恩不卽加以嚴譴令臣與按察使程如絲嚴審
追究臣實不勝惶悚又奉

皇上批到奏摺以此事在臣大有干係令臣徹底窮究
臣跪讀之下益深兢惕現在與按察使程如絲公
同將阮揚璟並伊妻妾家屬男婦人等逐一嚴訊
務得實情斷不敢少有隱匿自干重罪容俟審明
另疏具

題合先繕摺奏

聞謹合

奏民

爾自惜與否朕則不知朕實惜爾之至今朕亦無法矣
殊不料爾等如此行事也到陝將諸事大據實承認
竭盡資力補完不清之項異日另邀朕恩亦未可定倘
或以詭避爲良謀以隱匿爲妙計則弄巧成拙國法無
私噬臍莫及矣朕降真誠不虛之旨不啻至再至三能
聽信與否惟在爾自爲也可惜可惜察對野收絲綱審

朕同日又

奏爲凜遵

聖諭恭謝

天恩事雍正三年十一月初三日臣齋摺家人回川捧

到

硃批奏摺臣跪讀之下知

皇上力拒衆論寬恕臣罪

諭以勉力真誠轉禍爲福臣感激深切不覺伏地嗚咽
涕泗交頤不能自止竊念臣在陝西時正值年羹
堯威勢恣縱爲其屬員實不敢抗拒雖見有營私
網利之處而畏勢順從亦所恒有今自知罪戾難
免衆論之叅奏自難逃

皇上之嚴譴故數月以來戰慄憂懼魂夢靡寧茲讀

諭旨以臣爲年羹堯之屬員何敢與之抗拒此實

皇上至聖至明如日月之無微不照遂力拒衆議曲

賜保全不知臣何修而得邀

天恩如此之寬大也臣惟凜遵

訓旨以誠實二字刻刻在心凡有應行陳奏之事必毫

無欺僞以贖臣罪於追悔之後卽有干連自己之

處亦斷不敢隱匿於

君父之前如稍有支飾是

皇上有保全微臣之心而臣轉無自爲保全之計非惟

聖明所不宥實亦覆載所不容爲此披瀝下悃繕摺

奏謝以

聞謹

奏

若止前數件仍可以令爾在川完結今據石文焯圖理琛所叅二款爾不得不離任赴審矣可到陝照前批諭竭力爲之

雍正三年十二月十五日四川巡撫臣王景灝謹

奏爲恭謝

天恩事臣以庸愚謬膺任用才識短淺錯誤實多前因

天恩南坪番夷一案部議降級調用奉諭賄賂實多前因
旨從寬留任嗣因督臣岳鍾琪

題叅年羹堯冒銷運價一案部議將臣革職拏問又

蒙

皇上特恩寬免嗣又因署督臣圖理琛

題叅請將臣解任發往西寧造冊又蒙

皇上恩免解任令臣造冊移送屢接部咨皆出望外臣

俱恭疏奏謝

天恩而感激私衷實有未得盡陳者痛念臣前在陝西
兩任皆係年羹堯屬員不無畏勢順從遂致牽連

叅奏臣不勝憂懼乃荷

皇上聖明俯鑒臣之不敢與年羹堯抗拒蒙

恩寬恕至再至三不但保臣一家之身命實且全臣一生之名節

聖主曲體下情如此之至雖生生世世效犬馬以難酬

卽子子孫孫竭涓埃而罔報惟有矢誠實以對

君殫心力以辦事並率領妻孥朝夕焚香叩首頂祝

聖壽於無疆耳謹繕摺

奏謝以

聞謹

問奏

朕實惜爾其奈爾自暴自棄朕亦無可如何也如阮揚
璟一案年羹堯生祠及堡夫等事既不早行糾舉臨時
仍存瞻顧並無幡然改悔之誠自貽伊戚夫復誰尤今
惟有竭力完項以圖保全身命而已朕無可多諭國法
三尺朕亦安得而私諸王疆土土世世效犬馬以報

恩實感至再至三不計畧耳一案之良命實且全耳一
皇上聖明剛毅聖主之不茹與平羹堯此其業前在陝西
參奏耳不想憂勤之荷不無畏勞順從遵教等語



奏

朕實惜爾其亦猶白晝日其朕亦無可如何也如既揚
環一變保其元氣則及後天幸事既不幸行則果爾時
仍存爾等並無補於時之故自貽伊戚矣後雖元令
惟存爾等其亦猶白晝日其朕亦無可如何也如既揚
環一變保其元氣則及後天幸事既不幸行則果爾時



